

VITAMBULISHO VITANO DHAHIRI

VYA KANISA LA KWELI LA

MUNGU ALIYE HAI



Asante, Ndugu Neville, Bwana akubariki. Bila shaka ni majaliwa kuwa hapa usiku wa leo. Nina furaha sana ya kwamba Mungu alituruhusu kufanya jambo hilo. Kidogo mimi ni mwoga wa kamera. Ninapenda... Endelea, zipigeni. Hilo ni sawa. Ninaziangalia tu. Niko makini nazo. Na hilo ni sawa. Ni sawa. Sasa, kwa namna fulani kuna joto. Tumekuwa na jumbe mbili nzuri sana kutoka kwa Bwana. Na sasa nilifikiri, usiku wa leo, kwa kuwa...

² Wengi wa marafiki zangu wako hapa ambao inawabidi kusafiri kwa magari kwa muda mrefu sana, baadhi yao kutoka mbali huko Kentucky. Ninamwona Ndugu Welch Evans na familia yake hapa kutoka Tifton, Georgia. Nilikutana na watu hapa nje kutoka California. Wapo wengine hapa kutoka Ujerumani na sehemu mbalimbali, wakija mahali hapa padogo, kumtumikia Bwana. Pia namwona Dada Nellie Cox. Ninaamini ya kwamba mama mkwe wake na hao wengine wako hapa. Ambapo, labda watarudi maili nyingi usiku wa leo huko Kentucky, Georgia, kushuka huko chini Tennessee, kuelekea huko juu Ohio, marafiki zangu hapa. Rafiki mmoja hapa, Ndugu Ted Dudley, kutoka huko mbali Phoenix, Arizona. Wapo wengi wao hapa, wengine, kama ningaliweza tu kuyataja majina yao, wamekuja hapa kututembelea leo. Asilimia tisini yao hata sijaweza kuigusa mikono yao. Ninawaona marafiki zangu kutoka Chicago, na kila mahali tu. Ni watu wangapi waliopo hapa kutoka nje ya mji, inueni mikono yenu. Asilimia tisini ya wasikilizaji, sasa, limewakilishwa na marafiki wengi mbalimbali kutoka makanisa mbalimbali kote nchini.

³ Nami nilihubiri kwa muda mrefu asubuhi ya leo, nikawaombea wagonjwa mpaka saa saba na nusu, kwa hiyo kidogo nimepwelewa na sauti. Nami sina budi kuhubiri kwa muda kidogo nipate kuingiza kwa namna fulani, kile tunachoita, gia ya pili, kabla.

⁴ Yule pale Ndugu Lee Vayle, sijafanya zaidi ya kumpa mikono, mmoja wa wenzangu; kanisa la Kibaptisti, Ohio.

⁵ Huyu ni wewe, Ben? [Ndugu Ben Bryant anasema, "Amina."—Mh.] Sikuwa nimekusikia ukisema "amina" bado, vinginevyo ningalikutambua. Wote wanamfahamu Ndugu Ben.

Nami ninajua anaishi nje ya mji, kwa hiyo sijui ninii kabisa. . . Umetoka wapi sasa, Ndugu Ben? [“Vema, tuko huko Borden Kaskazini, Indiana, ndugu.”] Borden, Indiana.

⁶ Tuna furaha sana kuwa na kila mmoja hapa. Na sasa sitawaweka kwa muda mrefu sana, kwa sababu ya maili nyingi mnazopaswa kusafiri. Laiti ningaliweza kwenda na kila mmoja wenu nyumbani usiku wa leo. Kweli ninamaanisha jambo hilo. Inanibidi kuondoka kama saa tisa, kati ya saa tisa na saa kumi alfajiri, na la—laiti ningaliweza kuwachukua twende pamoja. Ninamwona rafiki yangu hapa kutoka Arkansas, mke wake. Hivi wewe siye yule mtu tuliye kuwa. . . Bwana alisema naye na kumwambia mambo haya hapa hivi majuzi usiku? Nilidhani ulikuwa ndiye. Nikiangalia tu kote, unawaona marafiki wapya na wa siku nyingi. Kwa hiyo, Mungu anajua kusudi la moyo wangu, ya kwamba ningependa kuwaona, na kuwapeleka nyumbani tukapige gumzo vizuri. Lakini siku moja tutafanya hivyo, Kule ambako haitatubidi kusema, “Inatupasa kuharakisha. Inatupasa kwenda kuwachukua watoto. Mtu fulani ni mgonjwa.” Hayo yote yatakwisha wakati huo, Siku hiyo kuu. Ninatumaini tutakutana mara nyingi zaidi.

⁷ Sasa, ni kusudi langu, wakati nikimngojea Bwana sasa, kupata mwelekeo wangu. Sasa, Jumanne, nitahitaji maombi sana kuliko nilivyowahi kuhitaji maishani mwangu mwote. Nitawauliza kama mtaniombea. [Kusanyiko linasema, “Amina.”—Mh.] Ni—nitahitaji maombi yenu. Hakikisheni mtaniombea. Jinsi upepo unavyovuma, Jumanne, huenda ikamaanisha jambo kubwa kwangu mimi, na kwa Kanisa na kwa ajili ya Kristo. Kwa hiyo hakikisheni kuniombea.

⁸ Sasa, basi, mpaka nitakapoona hasa nielekee wapi na nifanye nini, ninamngojea Bwana. Katika wakati huo, nitakuwa karibu na maskani hii hapa, nikiingia na kutoka, nikihubiri, nikiwaombea wagonjwa, nikifanya jambo lolote ninaloweza kufanya. Tunataka kuninii, siku moja, kama serikali haitatuzuia, tunataka kujenga kanisa hapa, kanisa zuri ambamo tunaweza kupata nafasi kubwa ya kuketi, ghorofa ya kwanza, na roshani, na kadhalika, kwa hiyo litakuwa ni kanisa zuri kweli, lililoyoyozwa, kusudi watu waweze kuketi kwa starehe, wasikilize ibada, kama wakituruhusu kufanya hivyo. Tunatumani wataturuhusu. Sasa, mtuombee.

⁹ Na sasa, usiku wa leo, tutaliendea somo nililoahidi, asubuhi ya leo, Bwana akipenda, kuzungumzia juu yake, usiku wa leo. Nalo litakuwa, takribani, kufundisha, kwa sababu ya sauti. Ninataka kuzungumza, usiku wa leo, juu ya: *Vitambulisho Vitano Dhahiri Vya Kanisa La Kweli La Mungu Aliye Hai*. Uthibitisho wa mambo matano halisi ya Kanisa la kweli, ama vitambulisho, hasa, vya Kanisa la kweli!

¹⁰ Sasa, kabla hatujaliendea somo hili muhimu na kubwa sana, nitaomba dua. Nitamwomba mchungaji wetu, Ndugu Neville, kama atakuja hapa na kuomba dua juu ya Neno la Mungu. Tunapofungua, sisi sote, katika Mathayo Mtakatifu, mlango wa 16, kifungu cha 18, kwa kuanzia, Mathayo Mtakatifu 16:18, wakati Ndugu Neville akija huku kwa ajili ya maombi ya faraja.

[Ndugu Orman Neville anaomba maombi yafuatayo—Mh.]

[“Baba yetu wa Mbinguni, tunashukuru usiku wa leo kwa ajili ya jambo hili, majaliwa mengine na nafasi tuliyopewa sisi, kwa rehema Yako kuu, ya milele. Tunashukuru usiku wa leo kwa ajili ya bidii za kuvuta na mvuto, na uongozi wa Roho Mtakatifu. Tunathamini, Mungu wetu, kwamba Wewe ni Mungu yule uliyeshuka upate kuwa ndani yetu na kuwa pamoja nasi, hata mwisho wa ulimwengu huu.”] Naam.

[“Baba, shida kuu na majaribu ya kesho yataonekana kama si kitu mradi tu tunaweza kushikilia mkono Wako na kuyavuka tukiwa pamoja na Wewe.”] Hakika, Bwana. [“Tunaomba, Bwana, ya kwamba ungetupa huruma ya moyoni kabisa, mmoja kwa mwingine, tukijua ya kwamba wakati mtu mmoja yuko kwenye majaribu makuu sana, na majaribio magumu, ya kwamba sisi, pia, moja ya siku hizi, tutapitia kwenye hali kama hizo. Mungu, tupe Roho wa Yesu ndani yetu, mpaka tuhurumiane mmoja kwa mwingine, vya kutosha, mpaka pawe na umoja kati yetu, mpaka tuweze kukutumikia Wewe, sote pamoja.”] Naam.

[“Baba, tunakushukuru, usiku wa leo, kwa ajili ya jambo hili, lingine, majaliwa tuliyopewa, kuweza kuketi chini ya mafundisho ya mtumishi Wako ambaye Wewe ulimchagua, ambaye ulimteua katika nafasi hii.”] Asante. [“Ambaye uliona anafaa kuturuhusu kuwa na majaliwa kuwa ndani, chini ya manufaa halisi ya huduma hii. Mbariki yeye na sisi, sote pamoja, kwa ninii...kwa huduma hii aliyo nayo juu yake.”] Tujalie. Naam.

[“Baba, tunaomba ya kwamba wakati siku hizi ambazo zinakaribia katika juma lijalo, wakati tungekuia Wewe sasa katika njia hii ya uombezi, tukisema mioyoni mwetu, ya kwamba, ‘Mungu, kwa kuwa ulitwambia ya kwamba mambo yoyote tusemayo, yatakuwa kama tutakavyoyanena, kama tu tutaamini na kukutegemea na kukutii Wewe.’ Kwa hiyo, Bwana, siku hizi zijazo ambazo zitakuwa ni za majaribio kwa ndugu yangu, na ndugu yetu, na mtumishi Wako. Ee Mungu, tunamkabidhi Kwako, kabisa, katika Jina la Bwana Yesu, na kuomba ya kwamba utamfunika kwa ulinzi wa Kimbinguni na baraka ambazo hajapata kuzijua hapo kabla.”] Tujalie, Bwana. Fanya hivyo, Bwana.

[“Mungu wangu, tunaomba ya kwamba Wewe utazimisha kila nguvu za kiakili zitakazoinuka, kujaribu kushawishi

vibaya ama kugeuza kando.”] Tujalie, Bwana. [“Jalia mdomo wake ufunguliwe kwa maneno ya hekima wakati kukiweko na nafasi yoyote ya kuzungumza.”] Naam, Bwana. [“Ee Bwana, tunakushukuru, Mungu wetu, ya kwamba umewakirimia watumishi Wako wote, kote katika nyakati.”] Naam. [“Na Roho Mtakatifu ameweza kuwatunukia u—ufasaha wa unenaji ambao ungekabiliiana na watu wenye elimu na wenye akili.”] Naam, Bwana.

[“Tunakuomba Wewe, Baba yetu, kuturuhusu kutembea kwa unyenyekevu na upole, na mbele Zako, Ee Bwana Yesu. Ila tu tujalie tufanye mapenzi Yako na kuuhisi Uwepo Wako. Uwe pamoja nasi sasa. Na, Ee Mungu, tunaomba kwamba Uzifanye kamilifu sifa Zako ndani yetu, mpaka zitajitokeza, sio kwa kuzilazimisha, bali sifa zitatoka kwetu, pamoja na upako.”] Ee Mungu!

[“Ee, Bwana wangu, usiku wa leo, imalize siku hii ya ajabu ambayo umekuja na umewaponya wagonjwa, na umewakomboa waliopotea, na umekuwa pamoja na sisi, kuitakasa mioyo ya wasio safi.”] Naam! . . . ? . . . [“Sasa, Bwana, usiku wa leo chukua mamlaka, kwenye ibada hii, na ulibariki koo la ndugu yetu. Na ulibariki Neno wakati likitoka. Jalia tuwe na mioyo na nia pokezi. Pia, Ee Mungu, sasa kubali sifa zetu kwa ajili ya jambo hilo, katika Jina la Yesu. Amina na Amina.”] Amina.

¹¹ Hicho kina sauti yote itakayohitajika? Chote kimefunguliwa? Kimefunguliwa chote? [Mtu fulani anasema, “Kimefunguliwa chote.”—Mh.] Je! hii ndiyo maikrofoni, ndiyo maikrofoni nzuri? [“Zote mbili.”] Je! mnaweza kunisikia vizuri? Huko nyuma kabisa, mnaweza kunisikia? [“Amina.”] Vema. Sawa.

¹² Ningetaka kusoma sasa kutoka katika Kitabu cha Mathayo, mlango wa 16 na kifungu cha 18. Nitaanza na kifungu cha 17.

Yesu akajibu, akamwambia, Heri wewe, Simoni Bar-yona; . . . mwili na damu havikukufunulia hili, bali Baba yangu aliye mbinguni.

. . . Nakwambia, Wewe ndiwe Petro, na juu ya mwamba huu nitalijenga kanisa langu; wala milango ya kuzimu haitalishinda.

¹³ Mungu na aongeze baraka Zake kwa Neno Lake. Neno Kanisa, kwenye kila moja ya masomo haya ambayo nimechagua usiku wa leo, kujaribu kuwazungumzia juu yake, moja ya hayo ni: Kanisa ni nini? Ni Nani aliyelianzisha? Ujumbe Wake ni nini? Tunakuwaje washirika Wake? Na je! tunaweza kwenda Mbinguni bila kuwa washiriki Wake?

Sasa, kila moja ya mafungu hayo ya maneno lingeweza kuchukua saa kadhaa, kulichambua huku na huku. Lakini ninataka tu kugusia mambo machache muhimu ya kimsingi,

kuonyesha kuwa Kanisa halisi ni nini. Na, sasa, ninawatakeni mwe na Biblia zenu.

¹⁴ Sasa, jambo la kwanza, neno *Kanisa*, lenyewe, linamaanisha, “Walioitwa watoke.”

Sasa, Israeli hawakuwa ni *kanisa* la Mungu mradi tu walikuwa Misri. Wao walikuwa ni *watu* wa Mungu. Na basi wakati Mungu alipowaita kutoka Misri, wakawa *kanisa* la Mungu, kwa kuwa walikuwa “walioitwa watoke.”

Sasa, hilo lingali linabaki vile vile leo hii. Neno *Kanisa* linamaanisha “Walioitwa watoke,” wale ambao wameitwa watoke, wakatengwa, wakafanywa tofauti.

¹⁵ Sasa, katika Agano la Kale, Kanisa lililojulikana liliitwa “Ufalme wa Mungu,” Ufalme wa Mungu. Sasa, ninachukua jambo hili kutoka katika hatua za historia ya Biblia. Agano la Kale, Kanisa liliitwa “Ufalme wa Mungu.” Kwa maneno mengine, Mungu ni Mfalme, na Kanisa ni Milki Yake. “Ufalme wa Mungu,” Agano la Kale.

¹⁶ Katika Agano Jipya, linaitwa “Himaya ya Kimasihi.” Loo, ninapenda hilo, Kimasihi. Kwa maneno mengine, “Himaya ya Masihi,” mahali ambapo Masihi ana enzi na anatawala. Hakuna vizuizi vya kimadhehebu ama chochote kile, Masihi anatawala katika Himaya Yake. Si hilo ni wazo zuri sana? Himaya ya Kimasihi. Kwa hiyo, Kanisa si dhehebu, Kanisa si kusanyiko la watu. Kanisa ni *watu* wa Mungu ambao wameitwa kutoka ulimwenguni, kutumika katika Ufalme mwingine.

¹⁷ Hili lastahili kunukuliwa. Miezi michache iliyopita, mimi pamoja na mke wangu tulikuwa tukienda madukani. Nasi tukaona jambo la ajabu, kulikuwako na mwanamke mtaani, aliyekuwa amevaa sketi. Ni vigumu, usingeamini jambo hilo, bali kweli tulimpata mmoja. Ndipo mke wangu akaniambia, “Vema, angalia pale.”

¹⁸ Nikasema, “Hapana budi yeye ni Mkristo. Yeye ni tofauti sana.” Ni aibu.

¹⁹ Ndipo swali likazuka, “Ni kwa nini, Bill, ya kwamba sisi, kama Wakristo, na Imani hii tunayoiamini, ni kwa nini tunawashurutisha wanawake wetu wavae marinda, kufanya hivyo? Watu wa makanisa mengine je? Wanavaa nguo kama hizo, nguo chafu, na ni kwa nini? Usingeweza kusema walikuwa watovu wa uadilifu.”

²⁰ Nikasema, “Hiyo ni kweli. Siwezi kumhukumu mtu yeyote. Lakini, kuwaona, ‘Kwa matunda yao wanajulikana.’ Huenda kweli wasitende uovu huo, bali ndani yao kuna roho anayewasukuma kuelekea kwenye uzinzi.”

²¹ Sasa, Yesu alisema, “Kila mtu amtazamaye mwanamke kwa kumtamani, amekwisha kuzini naye moyoni mwake.” Sasa, wakati itakapombidi huyo mwenye dhambi kuwajibika kwa

kufanya uzinzi, ni nani atakayekuwa mwenye hatia? Mwanamke aliyejianika. Huenda ukawa safi kama yungiyungi, kuhusu mambo ya uadilifu. Bali kama umejianika mbele za watu, katika njia ya kizinifu, ingawa huna hatia ya tendo lenyewe, ulimfanya mwanamume fulani kukuwazia mabaya, wakati ni kosa lako. Yesu alisema utakuwa na hatia ya “kufanya uzinzi.” Na, “Mwanamke mzinzi hataingia Mbinguni kamwe.”

²² Lakini, ninaposafiri kote ulimwenguni, ninakuta kwamba kila taifa lina roho wake lenyewe. Na mataifa yote yanatawaliwa na ibilisi. Serikali zote zinatawaliwa na ibilisi. Biblia ilisema hivyo. Wanapigana, wanafanya vita, nao watafanya hivyo mpaka Yesu atakapokuja, na ndipo ataweka Ufalme ambao hautakuwa na vita ndani yake. Bali Shetani alisema ya kwamba falme zote za ulimwengu zilikuwa ni zake, naye angefanya nazo chochote alichotaka, papo hapo mbele za Yesu Kristo. Na zote ni vyombo vya Shetani, falme za Shetani. Shetani alimwambia Yesu, “Nitakupa Wewe hizo kama ukianguka na kunisujudia.”

²³ Yesu alijua atazirithi, katika ule Utawala wa Miaka Elfu, kwa hiyo Yeye alisema, “Nenda zako, Shetani.” Yeye alijua ya kwamba Mungu atampa falme zote, nazo zitakuwa ni Zake, nazo zote zitakuwa ni Ufalme mmoja.

²⁴ Ukienda Ujerumani, unakuta roho ya Kijerumani. Ukienda Uingereza, unakuta roho ya Kiingereza. Ukienda Sweden, unakuta roho ya Kiswedi. Ukienda Ufaransa, unakuta roho ya Kifaransa. Ukiya Marekani, unakuta roho ya Kimarekani.

²⁵ Nilisimama huko San Angelo, Roma, siku moja, na nilitaka kuona yale mapango ya kuzikia wafia imani. Na kwa kushangazwa kwangu, na kwa kemeo, kama Mmarekani, nikisimama mbele za lango la mapango hayo mahali ulipoingilia, lilisema, “Kwa wanawake wa Kimarekani: mwaombwa kuvaa nguo na kuwaheshimu wafu kabla ya kuingia hapa.” Wakati taifa linapozama chini jinsi hiyo, ni jambo baya sana, tunapofikia mahali hapo. Kwa hiyo unaona, kwa sababu. . .

Nilimwuliza mwanamke mmoja wakati mmoja, “Je! u Mkristo wewe?”

²⁶ Akasema, “Mimi ni Mmarekani. Hasa, ndivyo nilivyo.” Hilo halina uhusiano nalo.

²⁷ Ndugu Bosworth alimwuliza mmoja, usiku mmoja, akasema, “Je! u Mkristo wewe, dada?”

²⁸ Akasema, “Nataka uelewe, ninawasha mshumaa kila usiku.” Kana kwamba hilo lilikuwa na uhusiano wowote na Ukristo, kuwasha mshumaa. Ukristo hauna mambo kama hayo. Na Kanisa la Mungu halina mapambo kama hayo.

²⁹ Sasa, ni kitu gani kinachowafanya wanawake... Kamwe hatuwalazimishi wanawake kufanya hivyo. Kamwe hatuwalazimishi wanaume wetu wasinywe pombe, wasiape.

Tunaihubiri tu Injili, na kuelezea utaratibu wa Biblia. Wanaume wengi wanaoingia kwenye imani za Kipentekoste na imani za utakatifu, wanaingia na kukiri kuwa, wakati sivyo walivyo, moyoni mwao. Wanawake wengi hufanya jambo lile lile. Hatuwaambii kuwa inawapasa kufanya hivyo. Tunawapa tu utaratibu. Tunawaambia yale Biblia isemayo, na kama wao wamezaliwa kwa Roho wa Mbinguni, basi roho yao si ya Kimarekani tena, si ya Kijerumani tena. Imefanywa ya Kimbinguni, ambapo, Ufalme wa Mungu. Kwa sababu, sisi tuko katika Ufalme mwingine, Ufalme wa Mungu, ambako kunadumu adabu, utakatifu, na nguvu.

³⁰ Tuna njia ya kumwendea Mfalme wetu. Tuna mahojiano na Yeye wakati wowote tunapotaka kumwita. Hatuna waombezi wengine, hatuna mpatanishi mwingine kati ya huyo Mfalme na sisi, ila Mtu huyo mmoja, Kristo Yesu. Kwa hiyo tunaishi katika Ufalme. Nao unaitwa, katika hatua za historia ya Biblia, “wa Kimasihi, Ufalme wa Kimasihi.” Kwa maneno mengine, mahali ambapo Masihi anamtawala kila mtu katika Milki Yake, akiyatawala maisha ya watu Wake, watu walioitwa watoke kutoka kwa kila aina ya mienendo ya maisha, akiwakusanya pamoja katika kundi, na kuliita, “Kanisa Lake,” ama “Watu Wake walioitwa watoke.” Si hilo ni jambo zuri sana? [Kusanyiko linasema, “Amina.”—Mh.]

³¹ Sasa, Israeli walikuwa ni *watu* wa Mungu mpaka (tunaona katika Matendo 7:38, kama unaliandika) kwamba hapo waliitwa *kanisa* la Mungu, kwa kuwa waliitwa na Mungu, kutoka Misri, kutoka ulimwenguni, kutoka mbali na makanisa mengine, kutoka imbi na dini zingine, kutembea pamoja na Mungu peke yake.

³² Na, sasa, Kanisa la Mungu leo ni kitu kile kile, limeitwa kutoka kwenye kila kitu cha ulimwenguni, limeitwa kutoka katika madhehebu yote ya dini, walioitwa kutoka katika kila dhehebu la kidini, walioitwa kutoka katika kila shirika la kidini, kutembea pamoja na Mungu. Sio kutawaliwa na askofu, bali kutawaliwa na Kristo, katika Ufalme huu wa Kimasihi tunaishi. Kristo Ndiye Mfalme. Kristo Ndiye.

³³ Sasa, Kristo ndiye Kichwa cha huu. Kristo ndiye Kichwa cha Ufalme huu wa Kimasihi. Wala huwezi kuufanyia utaratibu Ufalme ambapo Kristo ndiye Kichwa. Huwezi kuundia dhehebu Ufalme ambao Kristo ndiye Kichwa. Kwa sababu, Kristo ni Mfalme, wala huwezi kuchukua akili za mwanadamu na kuunda dhehebu ambalo Kristo atalitawala. Kwa hiyo, kampuni zozote, watu wowote, makundi yoyote ya wanadamu, yanayotaribu kuliundia dhehebu Ufalme wa Mungu, yanaenda kinyume na Mfalme. Na endapo wanaenda kinyume cha Mfalme, itakuwa ni kinyume na Mfalme. Kwa hiyo kama ni kinyume na Mfalme, itakuwa ni upinga Kristo. Hilo ni kali sana. Laiti ningalikuwa tu na sauti kubwa zaidi, tungelifanya hilo dhahiri zaidi. Ni

upinga Kristo. Na kama mtanivumilia kwa dakika chache, nitalithibitisha jambo hilo. Roho ya upinga-Kristo hujaribu kuchukua wa—watu na kuwaita kutoka dhehebu hadi dhehebu, ikiwawekea utaratibu pamoja, ambalo kamwe halikupata kuwa ni mapenzi ya Mungu. Watu daima wamenikemea kwa sababu nilishambulia madhehebu vikali sana. Sio hao watu waliomo mle, ambao ninawashambulia. Ni roho hiyo ya ukubwa ambayo inawafanya watu wafikiri ya kwamba, “Sisi ndio watu wenyewe.”

³⁴ Watu wa Mungu ni watu Wake walioitwa watoke. Ninaamini wako kwenye kila dhehebu. Huenda wakawa ni Wakatoliki. Huenda wakawa ni Waprotestanti. Huenda wakawa ni Wayahudi. Huenda wakawa namna yoyote ya kanisa. Bali Kanisa halisi ni Mwili wa kisiri wa Yesu Kristo.

³⁵ Sasa, huwezi kuuundia dhehebu Mwili wa siri wa Kristo. Sasa, kila mtu amjiaye Kristo, hutoka ulimwenguni, anaingia ndani ya Kristo, anaingia katika Mwili Wake wa kisiri. Nawe ni mshiriki wa Mwili huo wakati unapoletwa na kuingizwa katika Kanisa hili, ukaitwa utoke na kubatizwa katika Mwili huu wa kisiri. Unalipata? Sio Methodisti, si Baptisti, si Pentekoste, si Nazarayo, si Pilgrim Holiness, si Katoliki; bali ni Mwili wa Yesu Kristo. Tutalichambua hilo kindani zaidi katika maswali mengine, katika dakika chache, tunapoingia kwenye sehemu zake za kilindi zaidi. Lakini, Mwili wa Kristo ni Kanisa.

³⁶ Sasa, Yeye alilifananisha katika mifano mingi, kama vile katika mume na mke. Yeye analiita Kanisa, “Bibi-arusi.” Naye bibi arusi sio tena, na bwana-arusi sio tena, watu wawili; wao ni mmoja. “Yeye mke ni nyama ya nyama yake mume na mfupa wa mfupa wake.” Ndipo basi wakati mwanamume ama mwanamke anapoitwa akaingie katika Mwili wa kisiri wa Kristo, na Roho Mtakatifu, wanakuwa washiriki kamili wa Mwili huu wakati wanapojazwa na Roho Mtakatifu. Maana, Mungu alichukua Roho kutoka kwa Kristo, akaufufua mwili Wake na kuuweka kwenye Kiti Chake cha Enzi, kisha akamtuma tena Roho Mtakatifu kuufanya Mwili wa kisiri wa Kristo, ambao utaunganishwa kwenye wakati wa Chakula cha Arusi kwenye kule Kuja kwa Bwana. Huwezi kuufanya dhehebu. Ni fumbo.

³⁷ Yesu alimwambia Nikodemo, “Upepo huvuma upendako. Huwezi kujua unakotoka wala unakoenda. Kadhalika hali yake yeye aliyezaliwa kwa Roho.” Huwezi kuelewa. Inatoka mahali fulani. Wala si Methodisti. Si Baptisti. Si Pentekoste. Si dhehebu lolote. Ni Kuzaliwa, kuzaliwa katika Ufalme wa Mungu.

³⁸ Sasa, kujaribu kuliundia dhehebu, basi unalileta kwenye upinga Kristo, kwa sababu chochote kinachoyapinga Mafundisho ya Kristo ni upinga Kristo.

³⁹ Sasa, dhehebu hili lilianzia wapi basi? Yesu, wakati alipokuwa duniani, kamwe hakuliundia kanisa lolote dhehebu.

Yeye alinena kuhusu Kanisa lijalo, bali kamwe hakuliundia kanisa lolote dhehebu. Kamwe hakukuwa na kanisa lililoundwa dhehebu, kwa mamia ya miaka baada ya kifo cha mtume wa mwisho. Na kanisa la kwanza kuunda dhehebu lililopata kuwapo duniani, lilikuwa ni kanisa Katoliki la Kirumi. Sasa, nina *Wazee Waliotangulia Nikea, Kitabu cha Wafia Imani cha Foxe*, vitabu vya Josephus, *Nyakati za Mwanzoni* kilichoandikwa na Pemberman, na wengi wa waandishi mashuhuri wa kale. Na hakuna mahali popote, hakuna popote kamwe pameandikwa kwenye ukurasa wowote wa historia, ambapo paliwahi kuwa na kanisa la kimadhehebu mpaka kanisa Katoliki la Kirumi lilipounda dhehebu. Ndipo likawa dhehebu, jambo ambalo lilikuwa ni kinyume na Mungu.

Sasa, kama kitu kama hicho kilikuwa kikija... Loo, laiti ningaliweza kuwaelezea jambo hili. Kama kitu kama hicho kilikuwa kinakuja, na kingekuwa ni upinga Kristo mkubwa jinsi hiyo, hivi Mungu asingalilionya kabla, kama Yeye ni Mungu asiye na kikomo? [Kusanyiko linasema, "Amina."—Mh.] Kama Yeye hana kikomo, hivi asingejua mambo haya yalikuwa yanakuja? Na kama ni kitu cha kuchukiza jinsi hiyo, hivi Yeye asingelilionya Kanisa Lake mapema? ["Amina."] Sasa, ninatumaini mna ufahamu bora zaidi wa sababu ya mimi kukemea, si watu walio kwenye hayo madhehebu, bali madhehebu katika mwelekeo wao. Hayawezi kuwa kitu kingine ila ni upinga Kristo, katika kila moja yao.

⁴⁰ Sasa unasema, "Ngoja kidogo, nilifikiri hukuhubiri kitu ila Biblia."

⁴¹ Hebu na tuiache Biblia iseme jambo hilo, basi. Hebu na tufungue sasa na kusoma kidogo. Fungueni pamoja nami katika Ufunuo, mlango wa 17. Huu ni ufunuo wa Yesu Kristo, kwa Kanisa Lake, Kanisa lililoitwa litoke. Ufunuo 17. Nasi tutajaribu kuharakisha hili upesi tu tuwezavyo. Bali sasa angalieni tunaposoma.

...akaja kwangu mmoja wa wale malaika saba, wenye vile vitasa saba, akanena nami, akisema... Njoo huku, nami nitakuonyesha hukumu ya yule kahaba mkuu aketiye juu ya maji mengi:

⁴² Sasa, haya yote yamefananishwa, kwa maana ni ufunuo wa Yesu Kristo, uliotiwa muhuri. Je! mlijua jambo hilo? Ni jambo lililofichwa, na linaweza tu kufunuliwa, sio na mtu mwenye akili, bali kufunuliwa na Roho Matakatiifu kwa karama za Roho. "Kwake aliye na hekima na aihasabu hesabu ya mnyama huyo. Kwake yeye aliye na hekima, karama ya hekima, na afanye hivi na afanye vile." Na huu ndio ufunuo.

⁴³ Sasa, mtu yeyote anajua ya kwamba wakati mwanamke anapofananishwa katika Biblia, inahusu kanisa. Kanisa la

Kristo linaitwa “Bibi-arusi.” Paulo alisema, “Nimewaposea Kristo kama bikira safi.”

⁴⁴ Sasa hapa tunazungumzia juu ya mwanamke mwenye nguvu ambaye ni mwanamke mwenye sifa mbaya. “Njoo huku nami nitakuonyesha,” Malaika akamwambia Yohana, “hukumu ya yule kahaba mkuu aketiye juu ya maji mengi.” Sasa, “mwanamke aketiye juu ya maji mengi,” linasikika sana kama mafumbo, bali yote yako hapa. Biblia inayaelezea.

Sasa hebu na tufungue mlango wa 15, kusudi tuweze . . . ama kifungu cha 15, hasa, cha mlango huu huu, kusudi mweze kuona kile ha—ha—ha—hayo “maji” yanachomaanisha.

Kisha akaniambia, Yale maji uliyoyaona, hapo aketipo yule kahaba, ni jamaa, . . . makutano, . . . mataifa, na lugha.

⁴⁵ Kwa hiyo, hayo maji ambayo mwanamke alikalia, juu ya hayo, yeye alikuwa na mamlaka juu ya “mataifa, jamaa, makutano, na lugha.” Aliwatawala wote; mwanamke, mwanamke mwenye sifa mbaya.

Sasa, kama mwanamke ana sifa mbaya, kama tunajua mwanamke aliitwa hivyo katika maumbile ya kawaida, kwa mwa—mwanamke, tungejua ya kwamba alikuwa si mwaminifu kwa mumewe. Hivyo ndivyo angaliitwa. Basi angekuwa akijifanya kuishi mwaminifu kwa mwanamume, na huku anaishi akiwa si mwaminifu kwake. Hiyo ni kweli? [Kusanyiko linasema, “Amina.”—Mh.]

Vema, basi, hili ni kanisa linalosema ya kwamba Kristo ndiye Mume wake, bali mafundisho yake ni kinyume cha Mafundisho ya Mumewe. Yeye ni kahaba. Naye ana mamlaka juu ya jamaa na makutano na mataifa. “Njoo huku nami nitakwonyesha hukumu yake.” Sasa tumeipata hiyo picha.

. . . ambaye wafalme wa nchi wamefanya uasherati naye, nao wakaao katika nchi . . . wamelevywa kwa mvinyo ya uasherati wake.

⁴⁶ *Uasherati* ni kitu gani? “Uchafu; kuwa mchafu.” Yeye ni kahaba. Yeye ana uchafu unaomhusu, na matajiri wote wa ulimwenguni, wafalme na watu wakuu wa mataifa na makutano, wamefanya uasherati naye, wamechukua uovu wake. Unaona mahali linapoelekea, sivyo? [Kusanyiko linasema, “Amina.”—Mh.] Unaona?

⁴⁷ Sasa, mimi siwajibiki kwa kuandika jambo Hili, bali ninawajibika kama silifundishi. A-ha. Tunazungumzia juu ya kanisa sasa. Sasa, kama utaangalia, tunapoendelea mbele kidogo.

Akanichukua katika Roho hata jangwani, nikaona mwanamke, ameketi juu ya mnyama mwekundu sana, . . .

48 Hebu nichukue mifano hii tunapoendelea. Sasa, *mwekundu sana* ni “nyekundu.” Nyekundu, kwa njia moja, ni rangi nzuri. Nyekundu, kwa njia nyingine, ni rangi yenye sifa mbaya, rangi nyekundu, rangi ya hatari. “Mwekundu sana... Alikuwa amevikwa rangi nyekundu sana,” nyekundu, malaya.

49 “Naye alikuwa ameketi juu ya mnyama.” *Mnyama*, katika Biblia, linamaanisha “mamlaka.” Kama ukiangalia, wahudumu wengi, ninawaona wakivitikisa vichwa vyao, kweli, maana wao ni waalimu wa Biblia. *Mnyama* maana yake ni “mamlaka.” Tunawaona wanyama hawa wa ninii—wa Biblia, wa Ufunuo 13, na wa Danieli, wakitoka majini; wanyama, mamlaka, wakitoka miongoni mwa watu.

50 Lakini je! mliona? Katika Ufunuo 13, wakati Marekani inapotokea, ndiye mnyama pekee katika Biblia, anayetokea, ambaye hakutoka katika maji. Biblia ilisema alitoka katika nchi, ambamo hawakuwako watu. Huo ulikuwa ni ufalme huu mpya. Naye alionekana kama mwana-kondoo, bali baada ya kitambo kidogo akanena kama joka. Hiyo ni nchi hii. Halina budi kutukia. Siku moja watafanya kosa na kumchagua mtu asiyefaa. Watamwinua Yusufu, ama... “Farao asiyemjua Yusufu.” Walijaribu jambo hilo hapo kabla, nao watalijaribu tena, kama wakishindwa wakati huu. Hatimaye litatimia. Biblia inasema hivyo. Sasa, mimi si mwanasiasa. Pande zote mbili ni potovu. Ninampigia Yesu Kristo kura yangu. Huyu ndiye tu anayenivutia. Lakini, nawaambia, afadhali mwipanguse miwani yenu sasa, endapo mnatarajia uhuru wowote kwa ajili ya watoto wenu. Sijui liko karibu jinsi gani. Ombeni. Vema. Kukiwa... Angalieni.

Akanichukua katika Roho hata jangwani, nikaona mwanamke (kanisa) ameketi juu ya mnyama mwekundu sana, mnyama mwenye rangi nyekundu sana, mwenye kujaa majina ya makufuru, mwenye vichwa saba na pembe kumi.

51 “Vichwa saba.” Hapa chini, lilisema, “Hivyo vichwa saba,” vilivyokuwa juu ya yule mnyama, “ni milima saba ambayo ule—ule mji umekalia.” Sasa ni mji gani uliojengwa juu ya milima saba? [Kusanyiko linasema, “Roma.”—Mh.] Roma, kweli kabisa, mji unaoketi juu ya milima saba; kanisa, mwanamke, kahaba atakayeutawala ulimwengu kwa mamlaka yake. Mbona, ni dhahiri tu kama kulisoma gazeti. Unaona? Hakika. Sasa.

Na mwanamke yule alikuwa amevikwa nguo ya rangi ya zambarau na nyekundu (mwanamke, kanisa, tajiri), na amepambwa kwa dhahabu na vito vya thamani na lulu,...

52 Niambie ambapo mmoja wao alipata kulipa kodi ya mapato. Niambie ambapo wanatozwa kodi kwa chochote. Wanaachiliwa,

kufanya lolote wanalotaka kufanya. Hata hivyo, Mungu anao watoto mle. Hakika anao.

⁵³ Ni mambo tu, nyungu haiwezi kusema birika ni nyeusi. Mara nyingi, Waprotestanti wanasema, “Vema, Wakatoliki, walimwua *huyu, yule, na mwingineo*.” Ni nani aliyemwua Joseph Smith kinyama? Sikubaliani naye. Lakini alikuwa na haki ya mafundisho yake kadiri nilivyo nayo kwa yangu, hapa Marekani. Nalo kanisa la Kimethodisti likamwua Joseph Smith. Unapofika katika—katika Jiji la Salt Lake, lina ubao mkubwa sana, “Enyi Wamethodisti, angalieni chenene za Mormoni.” Kweli. Kanisa la Kimethodisti lilimpiga risasi Joseph Smith. Waprotestanti! Kwa hiyo, msiwapigie Wakatoliki makelele. Angalieni, dakika chache tu, Biblia itasema jambo hilo, pia.

. . .vito vya thamani . . .lulu, naye alikuwa na kikombe cha dhahabu mkononi mwake kilichojawa na chukizi la machafu ya uasherati wake, mafundisho yake, kile alichokuwa akiwapa, wafalme wa nchi wakikinywea.

⁵⁴ Mtu yeyote anayeweza kuamini jambo hilo, angeweza kuamini zile vitamini za Ndugu Jagger, ya kwamba, “Unaweza kumnyunyizia mwanamke maji ambaye ameolewa na mwanamume fulani kwa muda wa miaka thelathini, naye akawa na kundi la watoto, na kumgeuza awe bikira na kumpeleka kwenye kitanda cha bibi-arusi usiku huo pamoja na mume wake.” Mtu yeyote anayeweza kuamini ya kwamba maji matakatifu yatafanya hivyo, anaweza kuamini jambo lolote. Hiyo ni kweli.

Lakini wafalme wa nchi wanafanya mambo kama hayo. Ni ili kwamba waweze kuishi na kujisikia kuwa na amani. Ndani ya moyo wako unajua ya kwamba umeoza. Inachukua Damu ya Yesu Kristo kukusafisha. Lakini sasa angalia, yeye alikuwa ndiye kanisa la kwanza lililounda dhehebu, Biblia inazungumza juu ya jambo hilo hapa.

Na katika kipaji cha uso wake alikuwa na jina limeandikwa, la SIRI, BABELI MKUU, MAMA WA MAKAHABA NA MACHUKIZO YA NCHI.

⁵⁵ Sasa angalieni. Sote tutakubaliana. Na vitabu vyenyewe vya Kirumi, vitabu vya Katoliki vyenyewe, vinakubali ya kwamba hilo ni kanisa la Kirumi. Vitabu vyao wenyewe vinakubaliana na jambo hilo. Nina kile kinachoitwa *Kweli za Imani Yetu*, ni cha kasisi peke yake. Mkatoliki mmoja aliokoka kwa ninii yangu. . . Ambaye, mvulana wake alikuwa ni kasisi, naye mwanamke huyo akanipa kitabu hicho. Ndipo akamshawishi kurudi kanisani; akaja kukichukua, nami nisingemruhusu akichukue. Nilikiweka kama ushahidi, nilitaka kujua nililokuwa nikizungumzia. Ninaposema jambo lolote, sina budi kulifahamu. Mungu ataniwajibisha kwa jambo hilo.

⁵⁶ Na kumbukeni, yeye aliitwa “BABELI, YA SIRI.” Tunajua hilo ni kanisa Katoliki. Lakini, angalia, yeye ni “MAMA WA MAKAHABA.” Kahaba ni kitu gani? Kitu kile kile alichokaye, malaya. Sasa, madhehebu haya yalitoka wapi? Huyokapo mama yake. Hivyo ndivyo walivyo, kwanza. Ndipo unasema, “Huyo ni mpinga Kristo.” Hiyo ni kweli. Basi kama huo ni upinga Kristo, vipi basi kuhusu madhehebu yetu? Kama tu *malaya* na *kahaba*, ni kitu kile kile, “kufanya uzinzi, kufanya uasherati,” kukubali mambo ya uongo kwa sababu ya akili na wanadamu. Kama vile Biblia ilivyosema, “Wakifundisha mafundisho yaliyo maagizo ya wanadamu.” Hilo ndilo linaloitwa *kanisa* siku hizi, ambalo ni kinyume na Ufalme wa Mungu.

⁵⁷ Kama vile katika Agano la Kale. Mungu alitaka kuwa Mfalme juu ya Israeli, kabla halijakuwa kanisa, na Yeye alikuwa ni Mfalme. Na ingawa walikuwa na nabii, Samweli, mtu mzuri, na wakati alipowaambia jambo hilo, kama walitaka mfalme. Bali walitaka kuwa kama watu wengine. Walitaka kuwa kama Wafilisti.

⁵⁸ Hiyo ndiyo shida ya Waprotestanti. Hawawezi kujiachilia vya kutosha. Wananinii tu...Wakati Roho Mtakatifu alipowashukia huko nyuma, miaka arobaini iliyopita, nazo nguvu zikaanza kumiminika, nao wakaanza kucheza na kupiga makelele, na kunena kwa lugha. Wasingeliachilia. Iliwabidi kuliundia dhehebu. Ndipo likaja moja, nao wakawaita Baraza Kuu. Kisha likaja lingine, likiwa na Nuru kidogo juu ya Jina, Yesu Kristo, nao wakawaita “Hoja Mpya” na wakawafukuza. Ndipo wakajiundia dhehebu linaloitwa P.A ya J.C., Pentecostal Assemblies ya Yesu Kristo. Mabishano kidogo yakatokea kati yao, kama Yeye atakuja juu ya farasi mweupe ama atakujaje, nao wakaunda lingine, linaloitwa P.A. ya W., Pentecostal Assemblies of the World. Loo, jamani, jamani! Ndipo likaja Kanisa la Mungu. Ndipo wakatengana kwa unabii, wakaunda dhehebu tena. Kila wakati unapofanya hivyo, unatoka nje ya mapenzi ya Mungu. Roho ya mpinga Kristo.

⁵⁹ Kanisa la Mungu ni huru. Kanisa la Mungu halifungwi na mipaka yoyote, kwa sababu, kutoka bahari hadi bahari ni ya Mungu, kila mwanadamu chini ya nchi ni Wake. Kama yeye alikuwa Mkatoliki, Mprotestanti, ama chochote alichokaye, Mungu anawatafuta wale wenye moyo mnyofu. Nasi tunaokolewa kwa imani, tukimwamini Yeye. Hilo ndilo Kanisa. Sasa, unaona, Kanisa si dhehebu.

⁶⁰ Na kila wakati unapoliona dhehebu, kumbuka tu, “mpinga Kristo” imeandikwa juu yake. Hili hapa katika Biblia. Hilo ni dhahiri tu kadiri ni juavyo kulisoma. Ni—nina marafiki wengi wa thamani walioketi hapa, ambao ni wafuasi wa dhehebu, sisemi ninyi ni wapinga Kristo. Siwaiti hivyo. Lakini nyuma ya kitu hicho chote, na inaonekana kana kwamba ibilisi ameligeuza

hivi kwamba inakubidi kuwa na kitu kama hicho la sivyo hata hawatakuruhusu uhubiri.

Hilo ni jambo lile lile mataifa walilo nalo. Huwezi kuwa mtu asiye na taifa. Inakubidi kuwa na taifa mahali fulani. Inakubidi kuwa au ni Mmarekani, Mjerumani, ama kitu fulani. Unaona, yote yamegeuzwa.

⁶¹ Kwa hiyo, kweli, Mkristo halisi aliyezaliwa mara ya pili karibu ni asiye na makao. Mbele ya ulimwengu yeye ni mkimbizi. Bali mbele za Mungu yeye ni wa thamani. Laiti tungalikuwa na wakati wa kwenda katika Waebrania 11, na tuone (jinsi) hao mashujaa wa imani. Jinsi ambavyo Ibrahimu alitoka nje na kujiita msafiri na mgeni, kasema ulimwengu huu ulikuwa ndio makazi yake, bali alikuwa akizungukazunguka, akiutafuta Mji ambao mwenye kuujenga na kuubuni alikuwa ni Mungu. “Na iwapo sisi, tukiwa tumekufa katika Kristo, tunautwaa Uzao wa Ibrahimu, nasi ni warithi Wake, kwa ahadi.” Na hilo linatufanya nini? Wasafiri na wasio na makao.

⁶² Wakati Israeli walipokuja kutoka Misri. Kulikuwako na Moabu, ile nchi kuu iliyokuwa na utaratibu. Kulikuwako pia na Esau, ile nchi kuu yenye utaratibu. Na hawa hapa Israeli, wasio wa kimadhehebu, wakija huku. Wote wawili, kimsingi, wamo katika Neno. Kumbukeni, Balaamu alitoa dhabihu ile ile ambayo Israeli walitoa, madhabahu saba, masharti ya Mungu. Dhabihu saba safi, kondoo dume saba, zikinena habari za kuja kwa Mwenye Haki. Kimsingi, wote wawili walikuwa ni sahihi, tuginena kimsingi. Bali kile Balaamu alichoshindwa kuona, yeye alishindwa kuyaona mambo ya Kimbinguni miongoni mwa Israeli, lile kundi lisilo la kimadhehebu. Halina mahali pa kwenda, walikuwa wakizungukazunguka, bali walikuwa njiani wakienda mahali fulani.

⁶³ Hivyo ndivyo Kanisa la Mungu aliye hai lilivyo siku hizi. Halijaunda dhehebu, kadiri mambo ya ulimwenguni yanavyohusika. Bali limeunganishwa pamoja, si kwa vifungo vya kimadhehebu, bali kwa nguvu na Roho wa Yesu Kristo, kwa vifungo vya upendo.

⁶⁴ Inamfanya Mmethodisti na Mbaptisti kupigana kikofi cha mgongoni, na kusema, “Ndugu yangu mpenzi,” wakati wanapoona hawawezi kutembea pamoja wasipopatana.

Watu husema, “Je! wewe ni Mkristo?”

⁶⁵ “Mimi ni Mbaptisti.” Hilo halijibu swali, hata kidogo. “Mimi ni Mkristo? Mimi ni Mpentekoste.” Hilo halijibu swali hilo.

⁶⁶ Endapo wewe ni Mkristo, wewe ni kiumbe kilichozaliwa mara ya pili. Umo katika—katika Ufalme wa kisiri wa Mungu. Macho yako hayako kwenye mambo ya ulimwengu huu, bali kwenye mambo ya huko juu. Na hapo ni wakati ukiwa Kanisani. Hilo ndilo Kanisa. Si dhehebu. Kamwe haliwezi kuwa ni dhehebu. Nishuhudieni hadharani. Kanisa la Mungu aliye hai

haliwezi kamwe kuwa ni kundi lolote lile. Haliwezi kuwa ni dhehebu. Halina budi kuwa ni Mwili wa kisiri, Roho Mtakatifu. Baadaye kidogo, tukipata wakati, tutaliingilia moja kwa moja.

⁶⁷ Sasa, sasa mnaona kile *Kanisa* linachomaanisha? *Kanisa* linamaanisha kundi “lililoitwa litoke,” watu walioitwa watoke wanaotawaliwa tu na Mfalme huyu wa Ufalme huu wa Kimasihi. Loo, hilo si ni la ajabu? [Kusanyiko linasema, “Amina.”—Mh.] Ninapenda jambo hilo. Wakati niliposoma hilo katika ninii... leo. Na wakati liliposema pale, “Ufalme, Himaya ya Kimasihi.” Mwandishi huyo aliliandika, “Himaya ya Kimasihi.” Mwandishi huyo pia alisema, “Hakuna kitu kama Kanisa la Mungu aliye hai kuwahi kuwa dhehebu. Dhehebu ni kitu kilichotoholewa, kuasiliwa katika, kuchukua mahali pa.”

⁶⁸ Hivyo ndivyo hasa mafundisho haya yote ya uongo yalivyoletwa, kupachukua mahali pa kilicho halisi. Hiyo ndiyo sababu yule mwanamke alikuwa ameshika mkononi mwake kikombe cha machafu ya uasherati wake. Sasa, unaona, sisemi... Wapentekoste wana hatia kadiri ya vile Katoliki ilivyo nayo, ama Pilgrim Holiness, ama Wanazarayo, ama Wabaptisti, ama Wamethodisti. Lakini, katika makanisa hayo yote ya kimadhehebu, Mungu anao watoto. Wao ni wa Ufalme huu wa kisiri. Jambo pekee wanalolingojea ni kuona hicho *kitu fulani* kikitukia, ambacho kitaivuta na kuingiza mioyo yao mle. Nina furaha sana kujua, usiku wa leo, ya kwamba wanatoka mashariki na magharibi, kaskazini na kusini, wakijitoa nje, wakiabudu, wakikukongojewa kule Kuja kwa Bwana. Biblia ilisema watafanya jambo hilo katika siku za mwisho. Hiyo ni kweli kabisa. Nayo ilisema, “Watakimbia mbio kutoka mashariki kwenda magharibi, kaskazini na kusini, wakilitafuta Neno la kweli la Mungu; njaa si ya mkate wala maji, bali ni ya kulisikia Neno la Mungu.”

⁶⁹ Wanakutaka, “Njoo ukajiunge na *hili*. Njoo ukajiunge na *hili*.” Hakuna kitu cha kujiunga nacho. Katika Ufalme wa Mungu, hakuna kitu kimoja unachoweza kujiunga nacho. Ni tukio la kuzaliwa katika Kanisa, sio kujiunga Nalo. Sasa, huenda nikaingilia jambo hilo zaidi kidogo, punde si punde. Ninayo Maandiko zaidi yaliyoandikwa pale chini.

⁷⁰ Lakini sasa hebu na tuliendee wazo la pili, ili tujaribu kupitia hayo yote. Ni nani aliyeuanzisha Huu, hiyo ni kusema, Mwili huu wa kisiri? Ni nani aliyeuanzisha Huu? Yesu Kristo. Na ni ninii... Yeye ndiye Kichwa cha Mwili huu wa siri. Yeye ndiye Mfalme Wake, akitenda Mapenzi Yake Mwenyewe katika Himaya Yake. Sio udhibiti wa askofu ama udhibiti wa halmashauri ya kanisa; bali ni Mfalme, ambaye ni Masihi Mwenyewe akitenda kazi katika Himaya Yake Mwenyewe. Lilianza lini? Pale Pentekoste. Sio dhehebu la Kipentekoste; tukio la kipentekoste. Hapo ndipo lilipoanza na wewe. Yeye

alinena habari za kuja Kwake. Alisema kile kingetukia. Alisema linakuja.

⁷¹ Sasa, kama tukiweza, tunaweza kufungua katika Luka, mlango wa 24, kifungu cha 49, nasi tunaweza kuona hapa, kuanza kusoma baadhi ya Maandiko ili kwamba watu hawa wanaochukua hili wanaweza kuliandika. Luka 24:49, tutaona kile alichosema.

Na, tazama, nawaletae juu yenu ahadi ya Baba yangu; lakini kaeni humu mjini Jerusalemu, hata mmevikwa uwezo utokao juu.

⁷² Sasa, Yeye aliahidi juu ya Kanisa lijalo, Ufalme ujao. Sasa fungueni moja kwa moja katika Matendo 1:8. Sasa, kumbukeni, Yeye alinena pia katika Mathayo 16:18, juu ya, “Juu ya mwamba huu,” Yeye atalijenga Kanisa Lake, “na malango ya kuzimu hayapaswi kulishinda.” Tataliendea hilo katika dakika chache tu, tunaposhuka kuliendea somo hilo lingine. Matendo 1:8.

Lakini mtapokea nguvu, akiisha...kuwajilia juu yenu Roho Mtakatifu; nanyi mtakuwa mashahidi wangu katika Yerusalemu, ...Uyahudi, ...Samaria, na hata sehemu za mwisho kabisa za ulimwengu.

⁷³ Ufalme ujao wa mashahidi: mashahidi wa kufufuka Kwake, mashahidi wa nguvu Zake, mashahidi wa ninii Yake, wa kuwa hai. “Ninyi ni mashahidi Wangu,” sasa, Matendo 1:8.

⁷⁴ Ndipo pia tunaona katika Waefeso, mlango wa 1, kifungu cha 22, ninyi mnaoliandika hilo. Ninii tu, kuna mengi sana ya kuandika, bali ili kulishindilia kabisa, kuhakikisha ya kwamba mnatinii...mnaiona. Vema. Kifungu cha 22 cha Waefeso, mlango wa 1.

Akavitia vitu vyote chini ya miguu yake (Huyo ni Kristo), akamweka awe kichwa juu ya vitu vyote kwa ajili ya kanisa;

Ambalo ndilo mwili wake, na ukamilifu wake anayekamilika katika vyote.

⁷⁵ Ni nani aliyelianzisha Kanisa hili? Yesu Kristo. Hakuna askofu, hakuna kundi la watu, hakuna papa, hakuna mamlaka ya kubuniwa na binadamu, hata kidogo. Bali Yesu Kristo alinena habari Zake kwamba ni Ufalme Wake uliokuwa ukija mamlakani. “Pana watu katika hawa wasimamao hapa...” Mathayo mlango wa 16, “Amin, nawaambia, pana watu katika hawa wasimamao hapa ambao hawataonja mauti kabisa hata watakapouona Ufalme wa Mungu ukija katika nguvu.” Siku chache tu baadaye, Yeye alisulubishwa, na Roho Mtakatifu akashuka. “Wengine waliosimama hapa, hawataonja mauti hata watakapouona Ufalme wa Mungu.”

⁷⁶ “Je! utaurudisha Ufalme wakati huu?” Wayahudi wakamwuliza.

⁷⁷ Akasema, “Si juu yenu kujua majira ama wakati, yale Baba ameweka niani Mwake Mwenyewe. Bali mtapokea nguvu.” Matendo 1, “Mtapokea nguvu akiisha kuwajilia juu yenu Roho Mtakatifu.” Ati utapokea nguvu baada ya kufanywa askofu, baada ya kufanywa mhubiri, baada ya kufanywa papa, baada ya kufanywa kasisi? “Mtapokea nguvu akiisha kuwajilia juu yenu Roho Mtakatifu.” Huyu ndiye shahidi ambaye Mungu alikuwa akimtafuta, shahidi akiisha kuja Roho Mtakatifu. Si shahidi kwamba mimi ni askofu, si shahidi kwamba mimi ni mchungaji. Bali shahidi (wa nini?) wa Mfalme aliyefufuka. Hilo ndilo Kanisa la kweli la Mungu aliye hai. Vema.

⁷⁸ Na pia katika Wakolosai 1:17 na 18, labda tingesoma hili tukiwa tungali katika hilo. Wakolosai 1:17 na kifungu cha 18.

Yeye aliye kabla ya vitu vyote, na vitu vyote hushikana katika yeye.

Naye ndiye kichwa cha mwili, yaani, cha kanisa, ambaye ndiye, naye ni mwanzo, ni mzaliwa wa kwanza katika wafu, ili kwamba awe mtangulizi katika yote.

⁷⁹ Ni nani kichwa cha Kanisa hili? Yesu Kristo. Ni Ufalme gani? Ufalme wa Kimasihi, Kanisa, si dhehebu; Kanisa, Mwili wa kisiri ambao Kristo ndiye Kichwa chake. Loo, napenda jambo hilo, kutembea katika Roho, tukimtii Mfalme. Wajinga kwa ulimwengu; wa thamani machoni pa Mungu. Tukitembea katika Roho; tukieleweka vibaya, tukichekwa, tukidhihakiwa. “Wote wapendao kuishi maisha ya utauwa katika Kristo Yesu watateswa. Kama waliwatesa manabii waliowatangulia, wakamwita Bwana wa ninii—Bwana wa jengo, ‘Beelzebuli,’ ni zaidi sana vipi watakavyowaita wanafunzi Wake?” Bali mnatembea katika Roho, mkiyapa kisogo mambo ya ulimwengu, bila kufungwa kwa vifungo vyovyote. “Yeye ambaye Mwana amemweka huru ni huru kwelikweli.” Amina. Hilo ndilo Kanisa la Mungu aliye hai. Huyu ndiye aliyelianzisha.

⁸⁰ Sasa tunaona, katika mashahidi, katika Matendo 1:8, Yeye alisema, “Mtakuwa mashahidi Wangu akiisha kuwajilia juu yenu Roho Mtakatifu.”

⁸¹ Kanisa ni kitu gani? Mwili wa kisiri wa Kristo. Ni nani aliyelianzisha? Bwana Yesu, Mwenyewe. Halikuanzishwa huko Urumi. Wala halikuanzishwa huko Uingereza, na John Wesley. Wala halikuanzishwa na Calvin, wala Marekani, Baptisti, na John Smith. Wala halikuanzishwa California, na Wapentekoste. Lilianzishwa na Yesu Kristo, Mfalme wa Ufalme wa Kimasihi. Huyu Ndiye aliyelianzisha. Yeye Ndiye Mfalme. Anataka kuwa Mfalme. Anataka kututawala. Anataka kuwa Bwana.

⁸² Watu wanamruhusu kuingia, wanasema, “Nitamruhusu awe ni Mwokozi,” bali hawatamruhusu awe Bwana. Bwana maana yake ni “umilikaji, utawala.” “Njoo moyoni mwangu, Bwana, niokoe na kuzimu, bali usiniambie la kufanya.” Huo ndio

msimamo wa watu. Hiyo ndiyo sababu. Si ajabu Biblia ilisema, “Meza zote zimejaa matapiko.” Mnajua matapiko ni nini. “Kama mbwa anavyoyarudia matapiko yake.” Kama madhehebu haya hayakufaa kitu, mara ya kwanza, na ikamlazimu Mungu kuyatapika; ukiyarudia, yatakufanya utapike tena. Yeye alisema, “Ingekuwa heri kama ungekuwa moto au baridi. Kwa sababu wewe ni vuguvugu, nitakutapika utoke katika kinywa Changu.” Unamfanya Mungu achefukwe tumboni Mwake, Naye anatutapika.

⁸³ Niambieni dhehebu lililopata kuanguka, lililopata kuinuka tena. Nionyesheni kwa historia ambapo moja lilipata kuinuka. Mtu atainuka na huduma fulani, Mungu atambariki mtu huyo. Muda si muda wajua, yeye ataigeuza moja kwa moja na kuingia kati ya watu na kuunda dhehebu kutokana na jambo hilo, na hilo linaiua papo hapo. Angalia kote katika historia mbalimbali na upate moja lililopata kuinuka. Si hata moja, kwa sababu yote ni roho ya upinga Kristo miongoni mwa watu.

⁸⁴ Kama vile Musa, na hao wengine walivyotaka jambo fulani wangeluweza kufanya wenyewe. “Bwana, tulikuwa na wafuasi wengi sana mwaka huu.” Hilo linaleta tofauti gani, kwamba ni wafuasi wangapi mlilo nao? Hatutafuti wafuasi wa kanisa. Tunatafuta washiriki wa Mwili wa Kristo, waliozaliwa katika Ufalme wa Mungu, “si kwa mapenzi ya mwanadamu, bali kwa mapenzi ya Mungu,” si kwa roho ya mwanadamu ama kwa akili ya mwanadamu.

⁸⁵ Paulo alisema, “Sijapata kuja kwenu kwa hekima ya mwanadamu. Nimewajia kwa Roho wa Mungu na nguvu za kufufuka Kwake, kusudi imani yenu isikae juu ya hekima ama maneno ya ufasaha wa mwanadamu, bali katika nguvu za kukufuka kwake Yesu Kristo.” Hivyo ndivyo alivyowajia. Mungu na atusaidie, kwamba tufanye jambo lile lile.

⁸⁶ Sasa, hatutaki kutumia muda mwingi kupita kiasi kwa kila moja. Sasa ninataka kujua: Ujumbe wa Kanisa hili ni upi? Kanisa hili linapaswa kufundisha nini? Ujumbe Wake ni nini?

Ujumbe wa kwanza ambao ninaweza kuwazia, ambao Kanisa hili (Mwili wa kisiri) litafundisha, litakuwa ni toba. Hebu na tufungue Luka 24 tena, kwa dakika moja. Luka, mlango wa 24. Jambo la kwanza ambalo Kanisa linapaswa kufanya, ni kutubu, nalo litafundisha toba. Sasa, Yesu, akijiandaa kuondoka, huu ndio mlango wa mwisho, wakati alipokuwa akijiandaa kuondoka duniani. Luka 24:46, hebu na tuanzie kwenye kifungu cha 46.

Akawaambia, Ndivyo ilivyoandikwa, kwamba Kristo atateswa na kufufuka siku ya tatu;

Na habari ya toba na ondoleo la dhambi. . .

Loo, ninataka hilo likolee ndani, maana ninalifikia jambo fulani katika dakika moja, juu ya hilo, “ondoleo la dhambi.”

...toba kwa Mungu na ondoleo la dhambi watahubiriwa mataifa yote kwa jina lake, kuanzia tangu Yerusalemu.

Nanyi ndinyi mashahidi wa mambo haya.

⁸⁷ Huo ndio ujumbe wa kanisa, ushuhuda wa ujumbe. Toba na ondoleo la dhambi havina budi kuhubiriwa kwa mataifa yote, itaanzia Yerusalemu. Loo, utukufu! Je! madhehebu yalianzia wapi? Ati Yerusalemu? La, Bwana, kutoka Rumi. Ni kitu gani kilichoanzia Yerusalemu? Ubatizo wa Roho Mtakatifu; ubatizo katika Jina la Yesu kwa ondoleo la dhambi; toba kwa Mungu. Hayo yalianzia Yerusalemu na yanapaswa kwenda kwa mataifa yote. Haleluya! Mnaliona? "Timpasa Kristo kuteseka," yalisema Maandiko. Yeye Ndiye manabii waliyesema habari Zake. Ndiye ambaye Biblia nzima inamzunguka, inamhusu Yeye. Hakika angejua yale ambayo yanafaa kufundishwa. Angejua kile kinachopaswa kufanywa. Naye alisema, "Toba na ondoleo la dhambi havina budi kuhubiriwa kwa mataifa yote kwa ajili ya ushahidi, kuanzia tangu Yerusalemu."

Sasa, dhehebu lilianzia Rumi. Kanisa la dhehebu lilianzia Rumi; likaja Ujerumani, kwa Martin Luther; likaingia Uingereza, kwa Wesley; likaingia Marekani, kwa John Smith; California, kwa Pentekoste.

Bali Kanisa lilianzia Yerusalemu. "Toba kwa Mungu, na ubatizo katika Jina la Yesu Kristo kwa ondoleo la dhambi, vilianzia tangu Yerusalemu. Na vinapaswa..." "Inapaswa," Akasema. Hakusema wote watalifikia. "*Inapaswa kuanzia. Inapaswa* kwenda ulimwenguni kote. *Inapaswa kuhubiriwa.*" Bali kuna kidogo sana yake. Bali hilo ndilo Yeye alisema, Ujumbe Wake, huo ndio Ujumbe wa Kanisa. Nionyeshe kanisa linalofundisha habari Hiyo. Niambie mahali lilipo. Hulipati.

⁸⁸ Sasa, Yesu ni Mfalme, Ujumbe wa pili. Yesu ni Mfalme, na yu hai milele na milele. Mathayo 28:20. Yesu ni Mfalme, Naye yu hai milele na milele. Hilo ndilo Kanisa linapaswa kufundisha. Mathayo 28:20.

Na kuwafundisha kuyashika yote nilyowaamuru ninyi; na tazama, mimi nipo pamoja nanyi sikuzote, hata ukamilifu wa dahari.

⁸⁹ Hiyo ni kweli? [Kusanyiko linasema, "Amina."—Mh.] Waebrania 13:8, "Yesu Kristo ni yeye yule jana, leo, na hata milele." Huo ndio Ujumbe wa Kanisa: kufanya kazi Yake, kuthibitisha kufufuka Kwake, na kutoa ushuhuda.

Sasa, Matendo 5:32, ambapo tunaona kama walikuwa nayo ama hawakuwa nayo. Tunapofungua, Matendo, mlango wa 5, kifungu cha 32.

Na sisi tu mashahidi wa mambo haya, pamoja na Roho Mtakatifu ambaye Mungu amewapa wote wamtiio.

⁹⁰ Hana budi kushuhudiwa. Yohana 14:12, Yeye anatoa fundisho, kile Kanisa linachopaswa kufanya. Katika Yohana, mlango wa 14, ninii...na kifungu cha 12, tutaona kile hilo linachosema. Yohana 14:12, kwa hiyo tulisome, tulifanye rasmi. Vema. Yohana 14, na kifungu cha 12.

Amin, amin, nawaambieni, Yeye aniaminiye mimi, kazi nizifanyazo mimi, yeye naye atazifanya; naam, na kubwa kuliko hizi anafanya, atafanya, kwa kuwa mimi naenda kwa Baba yangu.

⁹¹ Huo ndio Ujumbe wa Kanisa. “Yesu Kristo ni yeye yule jana, leo, na hata milele,” akiishi Kanisani, Mfalme wa Kanisa, aliyefufuka katika wafu. “Yeye yule jana, leo, na hata milele,” likifanya kazi zile zile, likifanya mambo yale yale aliyofanya Yesu. Huo ndio Ujumbe wa Kanisa. Endapo kanisa haliufundishi Huo, linafundisha theolojia fulani ya uongo. Huo ndio Yesu aliowaamuru kufundisha.

⁹² Ni kitu gani tena kitakachokuwako? Tutajuaje kama watu hawa...Wao wanasema, “Vema, mimi ni mwaminio.” Hebu tuone agizo Lake la mwisho lilikuwa nini kwa Kanisa Lake, kwa waaminio, Marko 16. Chukua Marko, mlango wa 16, nasi tutaona Ujumbe Wake wa mwisho ulikuwa ni upi kwa Kanisa, ndipo tutaona basi kama tunalifuata agizo Lake. Marko 16, hebu tuanzie kwenye kifungu cha 14.

Baadaye akaonekana na wale kumi na mmoja, hiyo ilikuwa ni baada ya kufufuka Kwake, walipokuwa wakila,...

⁹³ Hili hapa agizo kwa Kanisa sasa, sikilizeni, agizo la mwisho. Tutajichunguza wenyewe, kama sisi ni waaminio, ama kama tuko katika Kanisa hili, ama hatuko.

Baadaye akaonekana na wale kumi na mmoja walipokuwa wakila, akawakemea kwa ugumu wa mioyo yao, kutokuamini kwao na ugumu wa moyo wao, kwa kuwa hawakuwasadiki wale waliomwona alipofu... alipofufuka katika wafu.

⁹⁴ Mtu fulani alikuwa amemwona. Mtu fulani alikuwa akijaribu kuwaambia juu yake, nao hawakuamini. Kama hilo si jambo lile lile siku hizi. Tunajua Yeye yu hai, tuna ushuhuda wa Roho Yake ndani yetu. Tunaona nguvu Zake zikifanya kazi juu ya wasikilizaji, na makumi ya maelfu ya watu, na kuyatambua mawazo yao—mawazo na mioyo yao kama tu vile Yeye alivyofanya hasa wakati alipokuwa hapa. Kama vile Biblia ilivyosema, “Neno la Mungu.” Naye ni Neno la Mungu. “Hapo mwanzo kulikuwako Neno, naye Neno alikuwa kwa Mungu. Naye Neno alifanyika mwili akakaa kwetu.” “Neno la Mungu ni kali, lina nguvu kuliko upanga ukatao kuwili, ukikata kwenye mafuta ya mfupa, na huyatambua mawazo na makusudi ya moyo.” Kristo, “Kazi nizifanyazo Mimi ninyi nanyi mtazifanya.”

Kumwona akifanya hivyo. Ni wangapi wamemwona akifanya hivyo? [Kusanyiko linasema, “Amina.”—Mh.] Hakika. Tunajua Yeye anafanya jambo hilo. Anaishi hapa. Yeye yumo mioyoni mwetu.

⁹⁵ Wao hawaamini Hilo. Hawakuliamini wakati Huo. Hawaliamini sasa. Wanaamini, “Yeye alikufa, na hilo latosha. Nasi tuna namna fulani ya kitu cha kihistoria, ambacho jamaa fulani alikiinua miaka michache iliyopita na kuanzisha kanisa, na akaandika katekisimo, na hiyo ndiyo sisi tunashikilia.” Huo ni upagani. Naam! Hakuna ukweli hapo. Loo, sisemi “ukweli,” mtu huyo huenda alifanya jambo hilo. Mtu huyo huenda alikuwa ni mwaminifu kabisa. Bali Mungu haliongozi Kanisa Lake namna hiyo. Kamwe hakupenda kufanya hivyo.

⁹⁶ Wakati walipoomba wapewe mfalme, Samweli aliwaita na kusema hivi. Alisema, “Nataka kuwauliza jambo fulani. Je! nimepata kuwapungukia? Nimewahi kuwaomba pesa zenu zozote? Nimepata kuwaambia jambo lolote katika Jina la Bwana ila lile lililokuwa ni kweli? Mungu hataki muwe na mfalme. Yeye anataka kuwa Mfalme wenu.”

⁹⁷ Akasema, “Ee Samweli, hakika, uko sahihi. Wewe ni nabii mzuri. Hujapata kutwambia kitu ila Kweli. Hujapata kutuomba pesa. Mambo hayo ni kweli. Lakini tunataka kuwa kama hao wengine. Tunataka mfalme, kwa vyovyote vile.”

⁹⁸ Samweli akasema, “Litawapa huzuni kubwa na shida. Litaninii...Yeye atawachukua wana na binti zenu. Atawapotosha, katika mambo atakayofanya. Atafanya jambo hilo. Atafanya hivyo.” Naye akafanya hivyo. Lakini, bado, walitaka mfalme.

⁹⁹ Hivyo ndivyo wanavyofanya siku hizi. Loo, hatuna budi kuwa na namna fulani ya jina tunaloitwa. Hatuna budi kuwaambia watu wanapotuuliza. “Sisi ni Methodisti, Baptisti.” Semen tu nyinyi ni *Wakristo*, hiyo ni kweli. “kama Kristo.” Baada ya Yeye kufufuka katika wafu, wao hawakuamini.

Akawaambia, (angalieni lile agizo kuu), Enendeni...

Ni kiasi gani cha ulimwengu? [Kusanyiko linasema, “Wote.”—Mh.] “Loo, nilifikiri, Yerusalemu tu.” Mtu fulani alisema, “Ishara hizi zilienda tu Yerusalemu.”

...ulimwenguni kote, mkaihubiri Injili...

¹⁰⁰ Ni wangapi wanaojua Injili ni nini? [Kusanyiko linasema “Amina.”—Mh.] Sio “Neno.” [Ndugu Branham anapigapiga Biblia yake.] Paulo alisema, “Injili ilikuja kwetu si kwa Neno tu, bali kwa nguvu na dhihirisho la Roho Mtakatifu.” Injili ni nguvu za Mungu kulifanya Neno litende kile linachosema litafanya.

“Ihubirini Injili, kote ulimwenguni.” Ati ihubirini Injili kwa watu weupe peke yao, ama kwa wa hudhurungi tu, manjano, weusi?

...kwa kila kiumbe.

¹⁰¹ Amina. “Kila kiumbe.” Je! mnaamini hilo linamaanisha hivyo? [Kusanyiko linasema, “Amina.”—Mh.] Nimemwona Mungu akimduwaza fahali, siku moja. Nimemwona akiwafanya nyigu wasiume. Nimemwona akimfufua oposamu, aliyekuwa amekufa, usiku kucha. “Kila kiumbe.” Injili itatenda kazi juu ya kitu chochote utakachoomba.

Unasema, “Hilo ni kosa, Ndugu Branham.” Si kosa.

¹⁰² Yesu aliuambia ule mti, “Na ulaaniwe. Mtu asile kutoka kwako, tangu sasa.” Nayo Injili ikahubiriwa kwa mti huo. Amina. Whiu! Ninajisikia kubarikiwa, sasa hivi.

“Kwa kila kiumbe.” Amina. Ihubirie nini? “Kila kiumbe.” Loo, laiti tungalikuwa na wakati kwa ajili ya mambo haya.

Sasa, *aaminiye na kubatizwa ataokoka*;...

“Loo, ninaamini, nimebatizwa.” Sawa. Vema. Barabara.

Aaminiye na kubatizwa ataokoka;...asiyeamini, atahukumiwa.

¹⁰³ “Loo, nina furaha kuwa mwaminio.” Ngoja kidogo. “Na,” na ni kiunganishi, kuiunganisha sentensi pamoja.

Na ishara hizi...

Loo, nilifikiri hukuamini katika ishara. Hayo ni maneno ya Yesu Mwenyewe. Bishana Naye.

...ishara hizi zita... (Si “huenda zikafuatana; wakati mwingine zinafuatana.”)...zitafuatana na hao waaminio;...

¹⁰⁴ Sasa tutaona kama unaamini ama huamini, tutaona kama dhehebu lako linaamini ama haliamini. Huenda *wakasema* wanaamini. Yesu alisema, “Ishara hizi zitafuatana na hao waaminio.” Mbona, wao wanakana ishara hizo.

...ishara hizi zitafuatana na hao waaminio; (Kiasi gani?) Katika jina langu hao watatoa pepo;...

¹⁰⁵ Na ninyi msioamini katika uponyaji wa Kiungu, ninyi makanisa! Huu unarekodiwa, mnaelewa. Sizungumzi na ninyi tu. Mtu mwingine atausikia. Mnapiga kelele eti mnamwamini Mungu, na kuamini lile agizo, ya kwamba kanisa lenu limeagizwa kuipeleka Injili; na jambo la kwanza kabisa ni uponyaji wa Kiungu.

Jambo la kwanza ambalo Yesu aliwaambia wanafunzi Wake wakati alipowatuma watoke waende lilikuwa ni lipi? Mathayo 10:1, “Mkawaponye wagonjwa, mkawatoe pepo.” Jambo la mwisho alilolambia Kanisa Lake ni lipi? “Mkawaponye wagonjwa, toeni pepo.” Alfa na Omega; Benjamini na Rubeni; Mwanzo na Mwisho; Yeye aliyekuwako, Yeye Aliyeko, na Atakayekuja; Nyota ya Asubuhi; Shina na Mzao wa Daudi. Haleluya! Huyu Ndiye. Naam, bwana.

“Ishara hizi zitafuatana na hao, waaminio. Katika Jina Langu watatoa pepo.” Katika Yerusalemu pekee? “Ulimwenguni kote, na kwa kila kiumbe.” Hiyo ni Biblia? [Kusanyiko linasema, “Amina.”—Mh.] Hivyo ndivyo lilivyosema. Huo ndio Ujumbe wa Kanisa. “Ulimwenguni kote, kwa kila kiumbe, Injili. Kwa kila aaminiye, ishara hizi zitafuatana naye.”

...jina langu hao watatoa pepo; watasema na lugha mpya;

¹⁰⁶ Na ninyi maskini Wanazarayo mliwaita watu wa kundi la “lugha.” Hata msingeketi kanisani pamoja nao. Si hilo ni jambo baya sana? Mtafanyaje mtakapofika Mbinguni? Yesu alikufa, akinena kwa lugha. Wao walisema, “Yeye alinena, na alinena kwa lugha nyingine.” Hakika. Alinena. “Alinena katika Kiebrania.” Sivyo. Hayo si maandishi ya Kiebrania. Yeye alinena katika lugha ya Kimbinguni.

¹⁰⁷ Wakati—wakati Habili alipomtoa mwana-kondoo wake juu ya mwamba, wakati maskini mwana-kondoo huyo alipokuwa akifa, yeye alikuwa akimkata shingo. Mfano wa Kristo, huko nyuma kabisa katika bustani ya Edeni, maskini mwana-kondoo huyo akilia katika lugha nyingine, wakati alipokuwa anakufa. Ilikuwa mfano, wakati sufu yake iliyojaa damu ikiloweshwa kwa damu yake mwenyewe. Ilikuwa ni mfano wa Mwana wa Mungu akining’inia huko Kalvari, amekatakatwa vipande-vipande, akiwa na dhambi zetu, akifa, akinena katika lugha nyingine, “Mungu Wangu, Mungu Wangu, mbona umeniacha?”

¹⁰⁸ Huo ndio Ujumbe wa Kanisa. “Katika Jina Langu watatoa pepo; watanena kwa lugha mpya.” Hivyo ndivyo alivyosema. Huo ndio Ujumbe wa Kanisa. Hilo ndilo aliloliamuru Kanisa kufanya, “kutoa pepo; watasema kwa lugha mpya.”

“Watashika nyoka; hata wakinywa kitu cha kufisha, hakitawadhuru kabisa; wao... wataweka mikono yao juu ya wagonjwa, ... watakata afya.”

¹⁰⁹ Hilo ndilo agizo la Kanisa. Hilo ndilo Kanisa la kweli, linaloamini.

Je! hayo yanafundishwa katika Methodisti, Baptisti, Presbiteri, Katoliki, Lutheri, Nazarayo, Pilgrim Holiness? [Kusanyiko linasema, “La.”—Mh.] La, bwana. Wanalikana. Utukufu! Kwa nini? Wameunda madhehebu, wala hawawezi kulifundisha. Wamo wafuasi wengi mle ndani wanaoliamini Hilo, bali hawezi kusema neno juu Yake, kwa sababu angefukuzwa. Hiyo ni roho ya mpinga Kristo, iliwaundia dhehebu.

Kanisa la Mungu aliye hai limezaliwa huru kwa Roho wa Mungu, halihitaji dhehebu lolote. Wao wanamfuata Mfalme wa Ufalme wa Kimasihi. Haiwabidi kuchukua misemo ya watu. Wamezaliwa huru, wamewekwa huru na Mwana ambaye huwaweka huru kweli. Ishara hizi zitafuatana nao.

¹¹⁰ Injili hii itahubiriwa. Ni nani atakayehubiri? Mungu anaweza kuwachukua mbumbumbu. Mungu anaweza kuyainua mawe, kwa ajili ya watoto kwa Ibrahimu. Mungu anaweza kufanya lolote atakalo. Yeye ni Mungu, na hivyo ndivyo anavyofanya jambo hilo. Wakati alipokuja, kamwe hakumwita Kaiyafa. Kamwe hakumwita kuhani mmoja. Kamwe hakumwita mwanatheolojia mmoja. Aliwachukua wavuvi, wachungaji, na wasio na elimu wala maarifa. Biblia ilisema, ya kwamba, “Petro na Yohana walikuwa wasio na elimu wala maarifa.” Bali Yeye angeweza kuwapa, na kufanya kazi kupitia kwao, Ufalme wa Mungu, na kuyashangaza mno macho na akili za wenye hekima na wenye nguvu. Wao walisema, “Wakaona kwamba walikuwa watu wasio na elimu wala maarifa, bali iliwabidi kuwatambua, ya kwamba walikuwa pamoja na Yesu.” Kwa nini? Walikuwa na Roho Yake juu yao. Walikuwa wakitenda kama vile Yeye anavyotenda. Walikuwa wakifanya mambo ambayo Yeye aliyafanya. Hivyo ndivyo hasa Yeye alivyosema ingetukia, Ufalme wa Kimasihi. Loo, jinsi nilivyo na furaha kwa ajili ya mambo haya. “Ishara hizi zitafuatana na hao waaminio.” Hakika. Ishara zitafuatana nao.

¹¹¹ Sasa, jambo lingine Kanisa hili litafundisha, litakuwa ni uponyaji wa Kiungu, Ujumbe wa Kanisa. Ndio kwanza ninukuu jambo hilo, Mathayo 10, wakati alipolituma Kanisa Lake kutoka kwenda. Hebu na twende tu katika Mathayo 10:1, na tuone, kwa dakika moja. Angalia kile Yesu alichosema wakati alipoliagiza Kanisa Lake na kulituma nje.

Basi yeye...*akawaita wanafunzi wake kumi na wawili, na akawapa amri juu ya pepo wachafu, wawatoe, wawatoe na kupoza magonjwa yote na udhaifu wa kila aina.*

Agizo la kwanza kwa Kanisa Lake.

¹¹² Agizo la mwisho, “Enendeni ulimwenguni mwote, mkaihubiri Injili. Aaminiye, anabatizwa.” Hebu nilinukuu jinsi ipasavyo, jinsi lilivyopangwa. “Enendeni ulimwenguni kote, na kwa kila taifa, na mkazionyeshe nguvu za Roho Mtakatifu. Yeye aaminiye juu ya Jambo hili na kubatizwa ataokolewa. Yeye anayelikana, atahukumiwa. Ishara hizi zitafuatana na hao waaminio: wataweka mikono yao juu ya wagonjwa, watapata afya; watatoa pepo; watasema kwa lugha mpya. Hizi zitakuwa ndizo ishara zinazofuata.” Kifungu cha mwisho kilisema:

Wakarudi...Bwana akitenda kazi pamoja nao,... akithibitisha neno lake kwa ishara zilizofuata.

¹¹³ Hivyo ndivyo Kanisa la kwanza lilivyokuwa. Na, sikilizeni, Yesu alisema, “Mimi Ndimi Mzabibu, ninyi ni matawi.” Na kama tawi likizaa, mzabibu, na mzabibu huo ukizaa zabibu, tawi lingine litakalohipuka, litazaa kama tu la kwanza lilivyozaa.

114 Loo, unasema, “Ndugu Branham, lakini, vema, yaangalie makanisa haya yote.” Hayo ni mizabibu *iliyopandikizwa*.

Sasa, unaweza kupandikiza aina ya machungwa. Unaweza kuchukua mchungwa na kuweka mlimau juu yake na utakua. Hicho ndicho ninyi watu mlichopandikiza. Na madhehebu haya ndiyo yaliyopandikizwa na mwanadamu. Ni mlimau, wakati wote. Litakua kwa sababu limeshikizwa katika jina la kanisa. Lakini, hebu niwaambie, kama mti huo ukipata kuzaa tawi lingine, lenyewe, litazaa chungwa.

Na kama nguvu za Mungu zikipata kuzaa Kanisa lingine, litakuwa ni pentekoste nyingine. Na kitabu kingine cha matendo kitaandikwa nyuma Yake, hiyo ni kweli, kwa sababu ni Kanisa la Mungu.

115 Yesu alisema, “Mimi ndimi Mzabibu. Ninyi ni matawi. Hamwezi kuzaa matunda kwa nafsi zenu, bali Mimi najitupa Mwenyewe ndani ya hilo tawi.” Na je! lilizaa tunda la aina gani? “Ishara hizi zitafuatana na hao waaminio.”

116 Kanisa la pili litakaloinuka, Mwili wa siri wa Kristo utakuwa na ishara zile zile. “Bado kitambo kidogo na ulimwengu haunioni tena. Hata hivyo ninyi mtaniona, kwa kuwa nitakuwa pamoja nanyi, hata ndani yenu, katika kila tawi, hata ukamilifu wa dahari,” Yesu Kristo yeye yule jana, leo, na hata milele. Hilo ndilo Kanisa la Mungu aliye hai. Huyu ndiye Yeye. Huyu ndiye aina ya shahidi aliye Naye.

117 Sasa, pia, Kanisa halina budi kufundisha ubatizo. Halina budi kubatizwa. Hilo ndilo lililokuwa agizo. Yesu alisema hapa, katika Marko 16. Tatalitumia tu. “Aaminiye na kubatizwa.” Amini, kwanza, na kisha ubatizwe kwa ondoleo la dhambi zako, nawe utapokea kipawa cha Roho Mtakatifu.

118 “Naye Roho Mtakatifu pia atawashukia,” itakuwa ndilo fundisho la Kanisa. Kwa kuwa, Yesu alisema, katika Luka 24:49. Tuko karibu sana nalo, kwa hiyo hebu tulifungue tu, sekunde moja tu, kifungu cha 49 hapa. Tulisoma cha 46 na cha 47. Angalieni cha 49.

Na, tazama, nawaletae juu yenu ahadi ya Baba yangu; lakini kaeni, ama ngojeni (kaeni maana yake ni “ngojeni”) humu mjini Yerusalemu, hata mvikwe uwezo utokao juu.

119 Kama Kristo asingewaacha kundi la wanaume, ambao walikuwa wametembea pamoja Naye kwa miaka mitatu na nusu, waende wakaihubiri Injili yoyote, ama wasingeweza kuihubiri Injili yoyote mpaka walipomngojea Roho Mtakatifu, Kanisa siku hizi halina budi kufanya jambo lilo hilo. Kumngojea Roho Mtakatifu.

120 Nilikuwa nikizungumza na mama mmoja Mkatoliki, hapa si muda mrefu uliopita, kule Oregon, naye akasema, “Vema,

unataka kuniambia ya kwamba kundi hilo la majuha huko chini ambako ulikuwa ukihubiri, na kupiga mayowe na kulia, wakiendelea namna hiyo, unataka kuniambia ya kwamba watakuwapo Mbinguni, na kutawala Mbinguni?”

Nikasema, “Naam, mama.”

Akasema, “Vema, hatuamini katika upuuzi kama huo.”

Nikasema, “Kwa sababu hamliamini Neno la Mungu.”

Ndipo akasema, “Tunaamini ya kwamba Mariamu hutuombea.”

Nikasema, “Huo ni upagani mtupu.”

¹²¹ Kamwe yeye hakuwa mungu mke. Yeye ni mwanamke. Ati “mama wa Mungu,” Mungu angewezaje kuwa na mama? “Salamu Maria, mama wa Mungu,” Mungu angewezaje kuwa na mama? Yeye alimzaa Mwana wa Mungu, Kristo Yesu. Hakuna mwanamke aliye muumba. Yeye huibeba mbegu ya mwanamume. Mwanamume huyo si muumba. Mungu huumba uhai. Ni kawaida tu ya—ya utaratibu, ambayo Mungu aliweka, kuwaleta watoto. Yeye, si mama wa Mungu. Mungu hawezi kuwa na mama, maana Yeye hakuwa na mwanzo wa siku wala mwisho wa maisha. Yeye ni wa Milele. Yeye hawezi kuwa ni mama wa Mungu.

¹²² Nami nikasema, “Vipi kama nikikwambia ya kwamba bikira wenu mwenye heri, mnayemwangalia kama mungu mke, vipi kama nikikwambia ya kwamba Mungu asingemruhusu kuja Mbinguni mpaka alipotenda kama hao watu walivyotenda jana usiku?”

Akasema, “Hiyo si kweli.”

¹²³ Nikasema, “Je! uliniambia ya kwamba kanisa Katoliki liliandika Biblia, wale mitume, nawe ulisema walikuwa ni Katoliki? Ninakanusha jambo hilo. Hakukuwako na kanisa la Katoliki kwa muda wa miaka mia tatu baada ya kifo cha mtume wa mwisho, mpaka baada ya Baraza la Nikea. Nionyeshe ukurasa wa historia, chochote utakacho; si katekismo yako, maana hailingani na historia. Hakukuwako na kitu kama hicho kamwe.” Lakini nikasema, “Huyo Mariamu . . . Biblia ilisema ya kwamba Mariamu, mama wa Yesu, na wanawake hao wengine, pamoja na wale mia moja na ishirini, wote iliwabidi kupanda vile vipandio kuelekea kwenye chumba cha juu, na kujazwa na Roho Mtakatifu mpaka wakayumbayumba kana kwamba walikuwa walevi, wakinena kwa lugha na kutenda kama kundi la walevi. Hivyo ndivyo Biblia ilivyosema.” Nikaweka kidole changu kwenye kifungu hicho. Nikasema, “Kisome.”

Akasema, “Sitaki kukisoma. Sipaswi kukisoma.”

¹²⁴ Nikasema, “Wewe si mwaminifu. Hapa ndipo bikira Mariamu alipompokea Roho Mtakatifu, na kunena kwa lugha na kuyumbayumba kama mwanamke mlevi. Sasa, kama ukienda

Mbinguni, huwezi kwenda pamoja naye, maana ilimbidi yeye kumpokea Roho Mtakatifu. Na kama ilimbidi kufanya jambo hilo, akiwa ni mama wa Yesu Kristo, ni zaidi sana vipi wewe unahitaji jambo hilo!”

¹²⁵ Akasema, “Kama ingenibidi kwenda Mbinguni na kitu kama hicho, nisingetaka kuwa Mbinguni.”

¹²⁶ Nikasema, “Haikubidi kuwa na wasiwasi sana. Usifikiri unaenda, kwa vyovyote vile, namna hiyo, usipobadilika. Usifikiri una mengi ya kuonea wasiwasi.” Huyu ni Roho wa Mungu kabisa.

¹²⁷ “Sasa, wewe ni shahidi Wangu Roho Mtakatifu akiisha kukujilia juu yako.” Sasa, ni kitu gani hiki sasa? Tunasema nini? Ni kitu gani? Ni Nani aliyelianzisha? Na Ujumbe wake ni upi? Sasa, kuharakisha, kwenda mbele kidogo tu.

¹²⁸ Jambo la nne. Tunakuwaje sehemu Yake? “Tunajiungaje Nalo? Tumeona kwamba Hilo ni nini, sasa nini? Tunajiungaje na Kanisa hili?” Hujiungi Nalo. Huwezi kujiunga Nalo. Hakuna njia ya kujiunga Nalo. Unazaliwa ndani Yake. Nimekuwa pamoja na familia ya Branham, miaka hamsini na moja, wala sikujiunga na familia hiyo kamwe. Nilizaliwa Mbranham. Nawe unazaliwa, mwana wa Mungu ama binti wa Mungu.

¹²⁹ Hebu tuchukue Yohana, mlango wa 3, kwa muda kidogo, na tuone tu yale Mungu aliyosema hapa juu ya jambo Hilo. Unaingiaje kwenye Kanisa hili? Mungu anakutolea mapendekezo gani? Yohana, mlango wa 3, 1 hadi 8.

Basi palikuwa na mtu mmoja wa Mafarisayo, jina lake Nikodemo, mkuu wa Wayahudi.

Huyo alimjia Yesu usiku, akamwambia, Rabi, twajua... u mwalimu, umetoka kwa Mungu;... hakuna mtu awezaye kuzifanya ishara hizi uzifanyazo wewe, isipokuwa Mungu yu pamoja naye.

Yesu akajibu akamwambia, ... amin, nakwambia, mtu asipozaliwa mara ya pili, ...

... amin, nakwambia, Mtu asipozaliwa mara ya pili, hawezi kuuona ufalme wa Mungu.

¹³⁰ Unaingiaje ndani Yake? Kuzaliwa ndani Yake. Hebu tulisome swali hilo zaidi.

Nikodemo akamwambia, Awezaje mtu kuzaliwa, akiwa yeye ni mzee? ...

Unaona jambo hilo, wa kimwili, mwalimu, mtu mashuhuri, kuhani, mzee, aliyeisoma Biblia maishani mwake mwote.

... awezaje kuingia tumboni mwa mamaye mara ya pili akazaliwa?

Sasa, hilo si ni kama waalimu hawa wasomi mnaowasikiliza siku hizi?

Yesu akajibu akamwambia, . . . amin, nakuambia, Mtu asipozaliwa kwa maji. . . (Tunaingia ndani Yake?) . . . kwa maji na kwa . . . Roho, hawezi kuingia ufalme wa Mungu.

¹³¹ “Asipojiunga Nalo”? Huwezi kuunganishwa Nalo. Huna budi kuzaliwa ndani Yake. Sio “njoo ukajiunge.” Njoo ukazaliwe!

Kilichozaliwa kwa mwili ni mwili; na kilichozaliwa kwa Roho ni roho.

Usistaajabu kwa kuwa ninakuambia, Hamna budi kuzaliwa mara ya pili.

Upepo huvuma upendako, . . . hujui unakotoka wala unakokwenda; kadhalika na hali yake kila mtu aliyezaliwa kwa Roho.

¹³² Unaona, hujiungi Nalo. Ni kitu cha kisiri. Unazaliwa katika Mwili wa kisiri wa Kristo. Hivyo ndivyo unavyoingia ndani Yake.

Wakorintho wa Kwanza, mlango wa 12. Hebu tusonge mbele kidogo. Tuna chache tu zaidi. Ninataka kujaribu kulimalizia nikiweza. Kama mtaninii tu. . . Ninajua kuna joto, bali hebu tuanzie hapa, kwa dakika moja. Wakorintho wa Kwanza, mlango wa 12, kifungu cha 13.

“Kwa maana kwa kupeana kumoja kwa mkono, kwa nadhiri moja. Ninatoa nadhiri kuamini katika kanisa kuu takatifu la Kiroma. Njoo, nipe mikono. Andikisha jina lako kwenye kitabu. Kwa barua moja, kuja kwa barua”? Huenda ukasoma hayo katika Kitabu cha Kumbukumbu za Kuzaliwa Kwa Mabibi, bali hulisomi hilo katika Biblia ya Mungu. Naam, bwana. Naam.

Kwa maana katika Roho mmoja sisi sote (tulijiunga, tuliandikishwa?) tulibatizwa kuwa (dhehebu moja?) mwili mmoja, ambao ni Mwili wa Kristo, kwamba tu Wayahudi, au kwamba tu Wayunani, ikiwa tu watumwa au ikiwa tu huru; nasi sote tumenyweshwa . . . tulinyweshwa Roho Mmoja.

¹³³ Si roho ya Methodisti, roho ya Baptisti, roho ya Pentekoste. Bali, “Kwa Roho Mtakatifu mmoja tumebatizwa katika Chemchemi hii iliyojaa Damu.”

Iliyotoka kwenye vena za Imanueli,
Ambapo wenye dhambi wakitumbukizwa
chini ya mafuriko hayo,
Hupoteza waa lao lote la hatia.

Yule mwizi aliyekuwa akifa alifurahi kuona
Ile chemchemi katika siku yake;
Hapo nijalie mimi, ingawa ni mwovu kama
yeye,
Nikaoshwe dhambi zangu zote ziondoke.

¹³⁴ Mwili mmoja! Tunaingiaje katika Mwili huo? Tunaingiaje ndani Yake? “Kwa Roho mmoja tumebatizwa kuwa Mwili mmoja.” Na tunapokuwa katika Mwili huo, huru, tumehakikishiwa ufufuo, “Mungu aliweka juu Yake uovu wetu sisi sote.” Si kwa “kupeana kumoya kwa mkono,” si “barua moja ya kanisa.” Lakini, “Kwa Roho Mtakatifu mmoja; Myahudi, Mmataifa, manjano, mweusi, mweupe, wote wamebatizwa kwa Roho mmoja kuwa Mwili huo mmoja, kupitia Damu ya agano Lake Mwenyewe.” “Na nitakapoiona ile Damu, nitapita juu yenu,” na tuko huru na mauti, huru na uchungu, huru na dhambi. “Yeye aliyezaliwa na Mungu, hatendi dhambi, maana Uzao wa Mungu unakaa ndani yake wala hawezi kutenda dhambi.” Hana dhambi.

“Basi iweni wakamilifu, kama vile Baba yenu wa Mbinguni alivyo mkamilifu,” Yesu alisema. Unawezaje kuwa mkamilifu? Huwezi kufanya hivyo. Ulizaliwa katika dhambi, ukaumbika katika uovu, ukaja ulimwenguni ukisema uongo. Bali unapomkubali Kristo kama mwenye kuibeba dhambi yako, unapomkubali kwa imani, unaamini ya kwamba Yeye alikuokoa, na Yeye alikufa mahali pako na kuzichukua dhambi zako, basi Mungu anakukubali na kukubatiza katika ule Mwili wala huwezi kuona dhambi tena. Ninawezaje kuwa mwenye dhambi wakati kukiwako na u-upatanisho madhabahuni kwa ajili yangu?

¹³⁵ Polisi anawezaje kunishika mjini, wakati sheria za mji zinanipa haki kuendesha kwa mwendo wowote nitakao? Huwezi kunishika. Kama meya akisema, “Kasisi Branham, unaenda kwenye miito ya wagonjwa. Endesha mwendo wowote utakao, katika sehemu yoyote,” anipe barua ya kibali ya jambo hilo, hakuna polisi anayeweza kunishika. Kwa sababu meya ana imani na mimi, ya kwamba nisingefanya jambo hilo isipokuwa liwe ni jambo la dharura.

¹³⁶ Na wakati Mungu aliponikubali na kunibatiza kwa Roho Mtakatifu, Yeye alikuwa ana imani na mimi ya kwamba nisingetenda dhambi makusudi. Amina. Nisingetenda dhambi makusudi. Kwa hiyo, Mwanawe alinifanyia upatanisho, wala siwezi kuwa mwenye dhambi mradi tu nimehesabiwa haki Naye ameniingiza katika Mwili Wake. Nimekombolewa na Yeye. Si yale nifanyayo, bali ni yale Yeye aliyonifanyia. Hiyo ndiyo Injili.

¹³⁷ Waefeso 4:30, inasema, “Msimhuzunishe Roho Mtakatifu wa Mungu ambaye kwa Yeye mlitiwa muhuri hata Siku ya Ukombozi wenu.”

¹³⁸ Mhubiri mashuhuri wa Kibaptisti aliniambia, si muda mrefu uliopita, akasema, “Ndugu Branham, Ibrahimu alimwamini Mungu, na ikahesabiwa kwake kuwa ana haki. Angeweza kufanya nini zaidi ila kumwamini Mungu?” Akasema, “Tunaamini tunampokea Roho Mtakatifu tunapoamini.”

¹³⁹ Nikasema, “Lakini umekosea. Kwa uaminifu uko makosani. Paulo alisema, katika Matendo 19, kwa wale Wabaptisti waliokuwa na mchungaji mzuri kule juu, mwanasheria aliyeongoka, ‘Je, mmempokea Roho Mtakatifu tangu mliipoamini?’”

Yeye akasema, “Ile ya awali haisemi hivyo.”

¹⁴⁰ Nikasema, “Inasema hivyo. Nina Emphatic Diaglott. Na inasema hivyo, katika kila tafsiri, ya Kiyunani na ya Kiebrania pia. Yeye alisema, ‘Je, mmempokea Roho Mtakatifu tangu mliipoamini?’” Nikasema, “Ibrahimu aliamini, hiyo ilikuwa ni kweli. Bali Mungu alimpa ishara ya kwamba Yeye alikuwa ameikubali imani yake, kwa kumpa muhuri wa tohara.” Hiyo ni kweli. Alikuwa amemkubali, kwa sababu Yeye alimpa ishara ya kwamba alikuwa amemkubali.

¹⁴¹ Kama ukisema unaamini, wala hujampokea Roho Mtakatifu bado, Mungu hajakutia muhuri bado, hajakuwa na imani ya kutosha kukuamini bado. Unapomjia Mungu, Mungu hukutia muhuri kwa Roho Mtakatifu hata Siku ya Ukombozi wako. Huo ndio Ujumbe wa Kanisa. Amina. Mbele tu kidogo. Vema. Sasa, Wakorintho wa Kwanza 12:13, “Kwa Roho mmoja sote tumebatizwa kuwa Mwili mmoja.”

¹⁴² Matendo, hivi ndivyo tunavyoingia Mle. Hili hapa kuzinduliwa kwa Kanisa, Matendo, mlango wa 2. Wakati Ujumbe wa kwanza ulipohubiriwa kwa Kanisa, baada ya ile Siku ya Pentekoste, wote walijazwa na Roho Mtakatifu. Mariamu, mitume wote, wote walijazwa na Roho Mtakatifu, wakinena kwa lugha, na kuendelea tu kupiga makelele kama kundi la—la—la walevi. Ndipo wakati tu walipokuwa wakiwa na wakati mzuri sana, wakupiga tu makelele na kumsifu Mungu, na kuyumbayumba chini ya nguvu za Roho Mtakatifu. Wao hawakujali kama ilikuwa ni Jumapili, Jumatatu, kwamba ilikuwa ni siku gani. Walikuwa na huo wakati mzuri sana, wakupiga tu makelele na kuendelea. Mbona, hao wa—watu mashuhuri wenye akili walisema, “Watu hawa wamelewa kwa mvinyo mpya.”

¹⁴³ Sasa, huyu hapa Petro amesimama akiwa na funguo za huo Ufalme, ubavuni mwake, funguo za Roho Mtakatifu. Yesu alisema, “Nasema wewe ni Petro. Juu ya mwamba huu nitalijenga Kanisa Langu, na milango ya kuzimu haitalishinda.” Ni kitu gani? Ukweli wa kiroho, uliofunuliwa. “Mwili na damu havijakufunulia jambo Hili. Kamwe hukujifunza Hili katika seminari. Mtu fulani hakukufundisha Hili, kutoka katika vitabu. Lakini, ni ufunuo unaona. Ufunuo! Nasema ya kwamba wewe ndiwe Petro. Ninakupa funguo za Ufalme. Lolote utakalolifunga duniani, nitalifunga Mbinguni. Lolote utakalolifungua duniani, nitalifungua Mbinguni.” Yeye hana budi kulitimiza Neno Lake.

Kwenye Siku ya Pentekoste, ni nani aliyekuwa mnenaji? Petro, maana ndiye aliyekuwa na zile funguo.

¹⁴⁴ Nao walikuwa wakiwacheka, wakasema, “Watu hawa wamejaa divai mpya.”

¹⁴⁵ Petro akasema, “Hii ikiwa ni saa tatu ya mchana, hawa hawajajaa mvinyo mpya. Bali hili ni Lile lililonenwa na nabii Yoeli, ‘Itakuwa katika siku za mwisho, asema Bwana, nitaimwaga Roho Yangu juu ya wote wenye mwili. Wana wenu na binti zenu watatabiri. Juu ya watumishi Wangu wanawake na wanaume nitaimwaga Roho Yangu. Wana wenu wataona maono. Wazee wenu wataota ndoto. Nami nitaonyesha mambo ya ajabu katika Mbingu juu na katika nchi chini. Itakuwa ya kwamba kila atakayeliitia Jina la Bwana ataokolewa.’”

¹⁴⁶ “Walipoyasikia haya, wakachomwa moyoni mwao, na wakamwambia Petro na mitume wengine, ‘Waume na ndugu zetu, tutendeje tupate kuokolewa?’” Hili hapa agizo la Kanisa. Sasa wao wanataka kujua jinsi unavyoingia katika Mwili huu wa siri. Vema.

¹⁴⁷ Matendo, mlango wa 2, kuanzia kifungu cha 37, ile hotuba ya kuzindua. Huwezi kuibadilisha. Huwezi kuibadilisha. Sikilizeni.

¹⁴⁸ Kama daktari wako alikuandikia agizo, nawe ukalipeleka kwenye duka la dawa, kwa bingwatapeli wa dawa, unajua, angeweza kukuua kwa agizo hilo. Unaona, huyo daktari huandika kiasi fulani kwenye hilo, kwa sababu yeye amefunzwa hayo. Naye anakuandikia kiasi fulani cha sumu, kisha anaweka kiuasumu mle ndani kipate kuua kiasi fulani cha hiyo sumu. Hana budi kuweka kitu fulani kupoza dawa hiyo nyingine. Na endapo agizo hilo halitajazwa vile hasa daktari huyo ameliandika, ingekuua.

¹⁴⁹ Na, hilo, Mungu ni Daktari. Yeye ni Daktari wa nafsi. Yeye ni Daktari wa wokovu. Naye alimwelimisha mtu katika Theolojia Yake Mwenyewe, Petro, mtu asiye na elimu ambaye hata asingeweza kulisoma jina lake wakati lilipoandikwa mbele zake. Bali alimpa Roho Mtakatifu, na akampa penseli ya kuandika kuhusu Fundisho hilo. Kwa hiyo, kwenye Siku ya Pentekoste, yeye aliandika lile Agizo. Hebu tuone kile alichandika. Dk. Simoni Petro, hebu tuone Agizo lako kwa wokovu ni nini. Hebu tuone liliandikwa kwa ajili ya kitu gani.

*Walipoyasikia haya wakachomwa mioyo yao,
wakamwambia Petro na...wengine...mitume,
Tutendeje, ndugu zetu?*

(Chunga, wewe una zile funguo) *Ndipo Petro akawaambia, Tubuni, mkabatizwe kila mmoja kwa jina la Yesu Kristo, mpate ondoleo la dhambi zenu, nanyi mtapokea kipawa cha Roho Mtakatifu.*

Kwa kuwa ahadi hii ni kwa ajili yenu, na kwa watoto wenu, . . . kwa watu wote walio mbali, na kwa wote watakaoitwa na Bwana Mungu wetu wamjie.

¹⁵⁰ Hilo ndilo Agizo. Usilifanyie marekebisho; utamwua mgonjwa wako. Hiyo ndiyo shida ya wengi wa hawa watu wanaozungumza juu ya hili, “Baba, Mwana, na Roho Mtakatifu.” Wanawauwa watu wengi sana wa kiroho, waliotibiwa kwa kitu kibaya. Hakuna kitu kama hicho. Hakuna mtu aliyepata kubatizwa, jina la “Baba, Mwana, Roho Mtakatifu,” katika Biblia. Hakuna shehere kama hiyo iliyopata kufanywa mpaka kufikia kanisa Katoliki. Kanisa Katoliki ndilo mama wa hilo. Yachunguzeni Maandiko. Itafuteni historia mpate kujua. Utaratibu wa kwanza uliopata kufanywa kwa “Baba, Mwana, na Roho Mtakatifu,” ulifanywa na kasisi wa Kikatoliki.

¹⁵¹ Wao wanawanyunyizia. Kunyunyizia kulibuniwa na kanisa Katoliki, “MAMA WA MAKAHABA.” Inarejea moja kwa moja kwa “yule kahaba.”

¹⁵² Inasema katika katekisimo, “Kuna kitu kama Mprotestanti kuokolewa?” Ikasema, “Wakati mwingine, hakika, kwa sababu wanakubaliana na fu—fundisho la Katoliki.” Hawataichukua Biblia yao. Wanabatiza, jina la “Baba, Mwana, na Roho Mtakatifu,” wala hawana Maandiko kwa jambo hilo. Ikasema, “Lakini kanisa Katoliki liliuanzisha,” nao wanakubali. “Kwa kanuni za Katoliki, huenda kukawa na baadhi watakaookolewa.” Hakuna kitu kama hicho. Hakuna mtu aliyepata kubatizwa hivyo. Hakuna mtu aliyepata kunyunyiziwa, katika Biblia, kumwagiliwa, wala njia nyingine yoyote ila kuzamishwa majini, katika Jina la Yesu Kristo, kwa ondoleo la dhambi.

¹⁵³ Tulisoma nini muda mfupi uliopita, nami nikawaambia, tutilifikia baadaye? Ya kwamba, “Habari za toba na ondoleo la dhambi itahubiriwa katika jina Lake.” Mpaka wapi? Kwa Yerusalemu tu, kwa Wayahudi? “Kwa mataifa yote, ulimwenguni kote, kuanzia Yerusalemu.” Sasa, Dk. Simoni Petro aliandika Agizo hilo.

¹⁵⁴ Na ninyi je! madaktari, mnajaribu kuweka kitu fulani pamoja nalo? Msiongeze lolote Kwalo. Lichukueni jinsi lilivyo. Hilo ndilo agizo la Kanisa. Hivyo ndivyo mnavyoingia Kwake, “Kwa kutubu, na kubatizwa katika Jina la Yesu Kristo kwa ondoleo la dhambi zenu, na ahadi ya kwamba mtapokea Roho Mtakatifu.” Sasa, hivyo ndivyo Biblia ilivyosema, “Kubatizwa katika Kanisa! Kubatizwa katika Kanisa!”

¹⁵⁵ Hebu tusome Wagalatia 3:26, kwa dakika moja. Hatuna ila jambo moja, mambo mawili zaidi, matatu zaidi hapa, ndipo tu—itatubidi kufunga. Sasa hebu tusome hapa katika Wagalatia, mlango wa 3. Kama mtu yeyote akipapata kabla sijapapata, pasome. [Dada mmoja anaanza kusoma Wagalatia 3:26, “Kwa

kuwa ninyi nyote mmekuwa watoto...”—Mh.] Endelea. [“Kwa kuwa ninyi nyote mmekuwa watoto wa Mungu kwa njia ya imani katika Kristo Yesu.”] Wagalatia 3:26? [“Ninaisoma.”]

Labda huenda niliisoma, nikaiandika vibaya hapa, basi. Huenda ikawa ni Wakolosai. Hebu na tusome Wakolosai. Ni—ninajua nilikokuwa nikielekea. Hebu tuone kama ni Wakolosai 3:26. La. Hakuna 3:26.

Ni wapi sasa, Wagalatia 3:26? [Huyo dada anasema, “Ndiyo.”—Mh.] Hapa, hapa nimepapata. Hiyo ni kweli. Endelea kusoma, dada, Wagalatia 3:26, kwa kuwa ulianza. Hii hapa, 26, 27, na 28. Sasa sikilizeni kwa makini. [Huyo dada anasoma Wagalatia 3:26–28, kama ifuatavyo:

Kwa kuwa ninyi nyote mmekuwa wana wa Mungu kwa njia ya imani katika Kristo Yesu.

Maana ninyi nyote mliobatizwa katika Kristo mmemvaa Kristo.

Hapana Myahudi wala Myunani. Hapana mtumwa wala huru. Hapana mtu mume wala mtu mke. Maana ninyi nyote mmekuwa mmoja katika Kristo Yesu.]

¹⁵⁶ Tunaingiaje katika Mwili huu? Tumefanyaje? “Tumebatizwa na Roho Mtakatifu, kuwa Mwili wa Kristo Yesu.”

¹⁵⁷ Sasa, jambo lingine lililo Ujumbe wa Kanisa ni, jinsi tunavyoingia katika Kanisa hilo, ni kwa utakaso. Nao utakaso, Waebrania 13:12 na 13, “Yesu aliteswa nje ya lango, ili awatakase watu kwa Damu Yake Mwenyewe.”

¹⁵⁸ Sasa, Waefeso, hebu twende hapa. Ni lazima tusome hilo. Waefeso 5:25, upesi sana sasa. Waefeso 5:25. Vema. Ni hapa, 5:25. La, ningali nina mahali pengine. Sijaliandika hapa sawa. Hebu tuone. “Kwa hiyo, wahubiri na makuhani...” Loo, naam. Nilikuwa nikiandika hili, upesi sana, muda mfupi uliopita, kwa hiyo hapana budi huenda nilipata ninii pengine... Loo, nimepata ukurasa mwingine. Naam. Amina. Naam. Vema.

¹⁵⁹ Waebrania 12 na 13, “Yesu aliteswa nje ya lango, apate kuwatakasa watu kwa Damu Yake Mwenyewe.”

¹⁶⁰ Kwa hiyo, enyi watu, hivi ndivyo tunavyokuja kwa jambo la Kanisa: kwa kutubu; kubatizwa katika Jina la Yesu Kristo kwa ondoleo la dhambi zetu; na ahadi ya kwamba tutaupokea ubatizo wa Roho Mtakatifu. Kwa hiyo, hakuna mhubiri anayeweza kututikisa akatuingiza ndani Yake. Hakuna kasisi anayeweza kutuwekea nadhiri tuingie ndani Yake. Bali tunazaliwa ndani Yake, na Mfalme wa Ufalme wa Kimasihi. Amina.

¹⁶¹ Sasa, hili tu, naweza kuleta hili moja zaidi? Hapa ndipo nilipolipata. Ni wangapi watakaokaa nami kwa dakika chache tu zaidi? [Kusanyiko linasema, “Amina”—Mh.] Mnaona? Ninii tu... Ni saa tatu na nusu, na wakati umepita.

¹⁶² Sasa, hivi tunaweza kwenda Mbinguni bila Kanisa? Tuchukue tu maoni machache juu ya jambo hili, maana nina karibu dazani moja yaliyoandikwa hapa chini, kama mnavyoona. Lakini mi—mimi... jambo moja tu, tupate kujua. La, bwana. Huwezi kuingia Mbinguni bila ya kuwa mshirika wa Kanisa hili.

¹⁶³ Sasa, jambo la kwanza, katika Yohana 3:5, Yesu alisema, “Mtu asipozaliwa kwa maji, na Roho!” (“Tubuni, mkabatizwe, Jina la Yesu Kristo kwa ondoleo la dhambi, ndipo basi mtazaliwa kwa Roho.”) Kuzaliwa kwa maji, kuzaliwa kwa Roho! “Mtu asipopata Hili, hata hawezi kuingia katika Ufalme wa Mbinguni.” Hata hawezi kuuona Ufalme wa Mbinguni. Basi kama umezaliwa kwa maji na kwa Roho, uko katika Kanisa hilo. Kama hujazaliwa kwa maji na Roho, wewe huko ndani ya Kanisa hilo, wala huwezi kuuona Ufalme wa Mbinguni. Hilo linaleta maana kwenu? [Kusanyiko linasema, “Amina.”—Mh.] Ni kweli kabisa. Sasa, je! mlijua...

¹⁶⁴ Unasema, “Vema, Ndugu Branham, ninaamini,” vema, sikiliza, “wala sijampokea Roho Mtakatifu.” La, hujaamini bado. Unaamini tu *upate* kufikia kuamini. Una matumaini.

Kwa kuwa, katika Wakorintho wa Kwanza, mlango wa 12, na kifungu cha 3. Hebu na tufungue hicho haraka sana wakati tukiwa karibu nacho, mkitaka. Wakorintho wa Kwanza 12, mlango wa 12 na kifungu cha 3. Nasi tutakipata hicho upesi sana, na—na kukisoma hiki hapa, na tuone kile Bwana alichu nacho katika hiki kwa ajili yetu. Wakorintho wa Kwanza 12, vema, na kifungu cha 3.

Kwa hiyo nawaarifu, ya kwamba hakuna mtu anenaye katika Roho wa Mungu, kusema, Yesu amelaaniwa; wala... hawezi mtu kusema... Yesu ni Bwana, isipokuwa katika Roho Mtakatifu.

¹⁶⁵ Hujui lolote kuhusu jambo hilo mpaka umempokea Roho Mtakatifu. Unasema, “Ninamkubali Yesu Kristo kama Mwokozi wangu binafsi.” Je! umempokea Roho Mtakatifu tangu ulipoamini? Kama hujampokea, huwezi hata kumwita Bwana, kwa sababu Yeye si Bwana. Yeye ni Mtu wa kihistoria ambaye wewe, kwa imani, umemkubali. Bali wakati amekuja ndani yako, kwa Roho Mtakatifu, Yeye ni Bwana wako. Hakuna mtu anayeweza kumwita Yesu “Bwana,” ila kwa Roho Mtakatifu; mpaka umezaliwa kwa Roho wa Mungu, na Roho Mtakatifu yumo ndani yako. Basi, ukiwa hivyo, umezaliwa katika Ufalme huu, nawe ni sehemu ya Kanisa hilo. Wewe ni Walioitwa watoke, basi. Unaona jambo hilo? [Kusanyiko linasema, “Amina.”—Mh.] Vema, sasa.

¹⁶⁶ Hivi uhai unaweza kutoka katika mahindi, mahindi hayo yasipokuwa na uhai ndani yake? Kama punje ya mahindi ikipandwa ardhini, moja imerutubishwa, na hiyo nyingine

haijarutubishwa. Je! ile ambayo haijarutubishwa, inaweza kuishi tena? [Kusanyiko linasema, “La.”—Mh.] Si kwa vyovyote vile. Hamna kitu ndani yake. Ingawa, kikemia, itatengeneza vizuri tu, ganda nzuri tu za mahindi kama hiyo nyingine itakavyofanya. Itatengeneza ugali mzuri tu kama hiyo nyingine itakavyotengeneza. Itaonekana nzuri tu kwenye rafu kama hiyo nyingine itakavyoonekana. Bali endapo haina uhai ndani yake, haiwezi kufufuka tena.

¹⁶⁷ Mtu ambaye ni mtu mzuri, anaweza kuwa mtu mzuri tu wa kanisa kama vile Mkristo. Mtu ambaye ni mtu mzuri, anaweza kuwa mwananchi mzuri tu kama vile Mkristo; mtu mzuri, mtu mwadilifu. Bali akifa, amekwisha, isipokuwa awe amezaliwa mara ya pili kwa Roho wa Mungu. Kwa sababu, kila kitu kilichokuwa na mwanzo kina mwisho.

¹⁶⁸ Mungu ndiye kitu pekee kilicho cha Milele. Kwa hiyo, sisi ni sehemu ya Mungu, kwa kuupokea Uhai Wake. Yesu alisema, “Ninawapa Uzima wa Milele.” Neno la Kiyunani hapo ni *Zoe*, linalomaaanisha “Uzima wa Mungu Mwenyewe.” Na jinsi tu unavyoweza kuishi tena ni kuwa na Uzima wa Milele, ambao ni Uzima wa Mungu, kwa kuwa uhai wako utaangamia. Lakini Uzima Wake utafufuliwa tena, kwa kuwa Mungu ni wa Milele. Nawe una Uzima wa Milele, na huwezi... kufa zaidi ya Mungu anavyoweza kufa. “Yeye aniaminiye Mimi yuna Uzima wa Milele, nami nitamfufua katika siku ya mwisho, nitamfufua tena.” Uzima wa Milele ulio ndani yake utamfufua.

¹⁶⁹ Sasa, je! tunaweza kwenda Mbinguni bila kuwa katika Kanisa hilo? Huwezi kuwa katika Kanisa hilo mpaka umezaliwa mara ya pili. Huwezi kwenda Mbinguni mpaka umezaliwa mara ya pili. Kama umezaliwa mara ya pili, uko katika Kanisa hilo. Kwa hiyo huwezi kwenda Mbinguni mpaka umekuwa mshiriki wa Kanisa hili, wala huwezi kuwa mshiriki wake mpaka umezaliwa ndani Yake.

¹⁷⁰ Na sasa hebu niwakabe roho kidogo. Pia huwezi kuwa mshiriki wake usipoitwa na Mungu kuwa mshiriki. Sasa, jinsi unavyopaswa kuwa na furaha kwa ajili ya jambo hilo, kwa kuwa ulichaguliwa tangu awali kabla ya kuwekwa misingi ya ulimwengu. Na jina lako... Whiu! “Majina yenu yaliandikwa katika Kitabu cha Uzima cha Mwana-Kondoo,” kile Kitabu cha Kanisa hilo, “kabla ya kuwekwa misingi ya ulimwengu.” Hiyo ni Biblia.

Biblia ilisema, “Mpinga Kristo,” madhehebu, kanisa Katoliki pamoja na madhehebu hayo mengine, madhehebu, “watawadanganya wote walio juu ya uso wa nchi, ambao majina yao hayakuandikwa katika Kitabu cha Uzima cha Mwana-Kondoo kabla ya kuwekwa misingi ya ulimwengu.”

Yesu alisema, “Wote alionipa Baba watakuja Kwangu.” Hilo ni Neno Lake Mwenyewe. Si yale uliyofanya, bali ni yale aliyofanya Yeye.

¹⁷¹ Hebu na tulitatie hilo, kwa dakika moja. Hebu tufungue Waefeso, mlango wa 1, upesi sana. Sikilizeni jambo hili. Huyu ni Paulo. Sasa, ilimbidi aende kwenye ukamilifu pamoja na Kanisa hili. Paulo anawaambia Wakristo jambo hili. Ni Wakristo wangapi walio humu ndani? Hebu tuone mkono wako. [Kusanyiko linasema, “Amina.”—Mh.] Vema. Hili si la watoto wachanga, sasa. Hili ni—hili ni wale wanaoweza kula nyama. Sasa, mlango wa 1, angalieni wale anaowazungumzia.

Paulo, mtume wa Yesu Kristo, kwa mapenzi ya Mungu... (sio kwa kuchaguliwa na askofu, si na dhehebu).

...mtume (mtu aliyetumwa) kwa mapenzi ya Mungu, kwa watakatifu (hao ni wale waliotakaswa, ama walio watakatifu) walioko Efeso, na... wanaomwamini Kristo Yesu.

¹⁷² Yeye anawaandikia akina nani? Kwa wale walio Kanisani tayari. Unapokuwa katika Kristo, wewe umo katika Mwili Wake. Hiyo ni kweli? [Kusanyiko linasema, “Amina.”—Mh.] Ndipo ninyi ni washiriki wa Kanisa hilo.

Neema na iwe kwenu na amani zitokazo kwa Mungu Baba yetu na... kwa Bwana Yesu Kristo.

Atukuzwe Mungu, Baba wa Bwana wetu Yesu Kristo, aliyetubariki kwa baraka zote za rohoni, katika ulimwengu wa roho ndani yake Kristo Yesu.

¹⁷³ Yeye alifanyaje jambo hilo? Alifanya nini? Walikuwa wamefika Yordani. Walivuka wakaingia katika Nchi ya ahadi, nao walikuwa wameketi katika ulimwengu wa roho katika Kristo Yesu. Hili hapa. “Ametubariki pamoja kwa baraka za Mbinguni,” kule kufundishwa kwa Neno, kama Kanisa, Wale walioitwa watoke walio katika Kristo Yesu. “Kwa kuwa tumeketi pamoja katika ulimwengu wa Roho,” kama Kanisa, tunapozaliwa katika Kristo Yesu. “Watakatifu, walioitwa watoke,” loo, jamani, mtu fulani ambaye Yeye anaweza kumfundisha jambo fulani. Alikuwa na shida sana na Wakorintho, bali si na Kanisa hili. Angeweza kuwafundisha, mambo makuu. Vema.

Atukuzwe Mungu, Baba wa Bwana wetu Yesu Kristo, aliyetubariki kwa zote...

Mnakumbuka Jumbe zangu mbili za mwisho?

...baraka zote za rohoni, katika ulimwengu wa roho ndani yake Kristo;

Kama vile...

Sikilizeni. Hebu hili na liwashtue sasa.

Kama vile alivyotuchagua (wakati uliopita) katika yeye...

“Kwenye ule uamsho wa hivi karibuni”? Je! nimelisoma hilo vizuri? [Kusanyiko linasema, “La.”—Mh.]

Kama vile alivyotuchagua katika yeye kabla ya kuwekwa misingi ya ulimwengu, kabla ya ulimwengu, ... (Angalieni hapa.) ... kabla ya kuwekwa misingi ya ulimwengu, ili tuwe watakatifu, watu wasio na hatia mbele zake katika pendu:

Kwa kuwa a-l-i-t-a-n-g-u-l-i-a k-u-t-u-c-h-a-g-u-a...

¹⁷⁴ Sisi tulifanya nini? Hakuna tulichofanya. Kile alichofanya ndicho kile ninachoangalia. Alifanya lini? Alituchagua, akaweka majina yetu katika Kitabu Chake, Kwenye Kitabu Chake cha Kanisa, tupate kuwa mshiriki wa Mwili huu wa siri, kabla ulimwengu haujaanza.

Naye ametangulia kutuchagua ili tufanywe wanawe kwa njia ya Yesu Kristo, sawasawa na uradhi wa mapenzi Yake Mwenyewe.

¹⁷⁵ Whiu! Huna budi kuwa katika Kanisa hilo, ndugu, kama utafaulu, kwa kuwa Yeye anakuja kwa ajili ya Kanisa. Ni kanisa la aina gani? “Kanisa lisilo na waa, wala kunyanzi.” Tunawezaje kuwa hilo? Kwa kuwa wafu katika Kristo, tukabatizwa kwa Roho Mtakatifu kuwa katika Mwili Wake wa siri, na upatanisho wa Damu ya Mwana wa Mungu umewekwa pale kwa ajili yetu kila saa ya siku. “Kuonekana hatuna hatia,” hilo ndilo Kanisa, “bila waa, wala bila kunyanzi.” Yeye alituchagua katika Yeye, na akaweka majina yetu katika Kitabu Chake.

Biblia ilisema, ya kwamba, “Yesu Kristo alikuwa Mwana-Kondoo aliyechinjwa...” Miaka elfu moja mia tisa iliyopita? Umbali gani? “Mwana-kondoo aliyechinjwa tangu kuwekwa misingi ya ulimwengu.”

¹⁷⁶ Wakati, “Mungu,” katika Biblia, neno hilo katika Mwanzo, Mwanzo 1. Kasema, “Hapo mwanzo Mungu...” Hebu chukua hilo jina *Mungu* katika Kiebrania, na uone kile linachomaanisha. Linaendelezwa *El, Elah, Elohim*, ambalo linamaanisha “Yeye aliye yote, Yeye adumuye peke yake, Yeye ajitoshelezaye kwa yote, Mwenye nguvu.” Hakukuwako na chochote hapo mbele. Hakukuwako na hewa. Hakukuwako na nyota. Hakukuwako na unyevu. Hakukuwako na—hakuwako na angahewa. Hakukuwako na atomi. Hakukuwako na molekuli. Hakukuwako na kitu kabla ya Huyu. Ilikuwa ni Mungu, Yule wa Milele. Na ndani yake kulikuwako na sifa, kuwa Mwokozi, kuwa Baba, kuwa Mungu. Hapo, Yeye hakuwa Mungu, wakati huo. Yeye alikuwa—alikuwa Mungu, bali hapakuwapo na kitu kingine, hakuna kuabudu. Kwa hiyo, *Mungu* ni “kitu cha

kuabudiwa,” na hapakuwapo na kitu cha kumwabudu. Kwa hiyo kulikuwako na sifa ndani Yake kuwa hayo, kuwa Mwokozi, kuwa Mponyaji, kuwa vitu hivi vyote alivyo Yeye.

¹⁷⁷ Kwa hiyo, kitu cha kwanza alichoumba. Sasa, baadhi yenu mnataka kujua kuhusu hadithi yangu ya Mwanzo. Mungu alisema, “Na tumfanye mtu.” Kitu cha kwanza alichoumba kilikuwa ni Malaika, kumwabudu Yeye, ndipo akawa Mungu. Ndipo wakati aliposema, “Na tumfanye mtu katika sura yetu Wenyewe,” je! alimfanya mtu wa aina gani? Mtu aliye roho. Halafu, wakati alipomfanya mtu huyo, Alimpa mamlaka. Ndipo akamfanya mtu kutoka katika mavumbi ya nchi. Ndipo, akaanguka; ndipo Yeye akawa Mwokozi. Mungu, halafu Mwokozi. Dhambi ikaleta ugonjwa, ndipo Yeye akawa Mponyaji. Haleluya! Hakuna kitu kinachoenda kombo. Yeye alijua yote kuhusu jambo hilo, kabla ulimwengu haujapata kuumbwa. Yeye alijua tungekuwa na mkutano huu usiku wa leo. Alijua kila kisubi ambacho kitapata kuwapo duniani, na kwamba atafanya kiasi gani cha shahamu, na ni mara ngapi kitapepesa macho yake. Yeye ni Mungu asiye na kikomo. Anajua mambo yote. Amina. Hivi si una furaha, usiku wa leo, kwamba jina lako liko kwenye Kitabu? [Kusanyiko linasema, “Amina.”—Mh.]

Ni wazo zuri jinsi gani ninalowazia
Kuhusu yule Ndege mkubwa wa madoadoa,
Nao wanasema ya kwamba Jina Lake
limeandikwa
Kwenye kurasa za Neno Takatifu la Mungu.
Ndege wengine wote wanamzunguka,
Yeye anadharauliwa na wote hao.

¹⁷⁸ Huyu ndege wa madoadoa alikuwa ni nini? Sikubaliani na jamaa yule aliyesema hiyo haikuwa ni kweli. Ndege wa madoadoa wa Biblia alikuwa ni nani? Hakuwa ni Israeli, kama walivyosema alikuwa. Alikuwa ni Kanisa la Yesu Kristo.

Kwa ajili ya toleo la dhambi, wao walifanya nini? Walimchukua hua, wakaking’oa kichwa cha mmoja na kumgeuza juu chini, na kuimwaga damu juu ya mwenziwe aliye hai, na kumwachilia huyo mwenzi. Ndipo mwenzi, amenyunyiziwa, ana damu ya mwenzi aliyekufa, alienda kote duniani, akinyunyiza huku akipigapiga mabawa yake. Na huku hiyo damu ikirashia juu ya dunia, akipaliza sauti, “Mtakatifu, mtakatifu, mtakatifu, kwa Bwana! Mtakatifu, mtakatifu, mtakatifu, kwa Bwana!”

¹⁷⁹ Alikuwa ni mfano wa Kristo. Naye yule ndege mkubwa mwenye madoadoa ni Kanisa lililonyunyiziwa Damu ya Mwenzake aliyekufa, Mwokozi, Yesu Kristo. Nalo linaenda kote ulimwenguni siku hizi, likipigapiga mabawa yake, likipaza sauti, “Mtakatifu, mtakatifu, mtakatifu, kwa Bwana!” Amina! Nina furaha sana ya kwamba ninajua habari Zake. Nina

furaha sana ya kwamba jina langu liko kwenye Kitabu Chake, lililowekwa mle si kwa wema wangu; la, bwana, kamwe nisingekuwa Kule, wala kwa wema wako. Bali kwa wema na rehema za Mungu, kabla ya kuwekwa misingi ya ulimwengu, akaweka majina yetu katika Kitabu Chake.

¹⁸⁰ Utambulisho wa Kanisa ni nini? Linapaswa kuwa nini? Lilikuwa nini? Hilo ni nini? Kundi lililoitwa litoke.

Ni nani aliyelianzisha? Yesu Kristo. Si askofu, si kanisa Katoliki, si Methodisti, si Luther, si Wesley. La, bwana. Ni nani aliyelianzisha? Yesu Kristo.

Ujumbe Wake ni nini? Toba, ubatizo wa maji, ubatizo wa Roho Mtakatifu, uponyaji wa Kiungu, wokovu.

Tunakuwaje mshiriki Wake? Kwa kuzaliwa ndani Yake.

Je! tunaweza kwenda Mbinguni bila ya Hilo? La, bwana. “Kwa kuwa hao waliokufa katika Kristo Mungu atawaleta pamoja Naye,” na si—si mtu mwingine yeyote ila wale waliokufa katika Kristo. Yesu anakuja kwa ajili ya wale waliokufa katika Kristo. Waefeso 4, mlango, ilisema ya kwamba ninii... La. Wagalatia, ninaamini ndipo, mlango wa 4. Kasema, ya kwamba, “Hao waliokufa katika Kristo Mungu atawaleta pamoja Naye. Hao waliokufa katika Kristo Mungu atawaleta pamoja Naye.”

¹⁸¹ Sasa, kwa hiyo, Hilo ni kundi lililoitwa litoke, Mwili wa siri. Kristo aliliweka katika utaratibu. Kabla ya Yeye kufa, alinena habari zake kuwa linakuja, Yeye alisema, “Nitakuja na niwe Mfalme juu ya Milki hii. Kitambo kidogo na ulimwengu hautaniona tena, ila ninyi mtaniona. Hamtakuwa na uhusiano wowote na ufalme wa ulimwengu.”

¹⁸² Hiyo ndiyo sababu wako katika mchafuko kama huo, unaoitwa “Babeli.” Mmoja, “Vema, Mungu abarikiwe, mimi ni Mpresbiteri. Mungu abarikiwe, mimi ni Mmethodisti. Mungu abarikiwe, mimi ni...”

Mungu abarikiwe, mimi ni Mkristo. Amina. Hivyo ndivyo ilivyo. Ninajuaje kwamba ndivyo nilivyo? “Ishara hizi zinafuatana na mwaminio.” Unaona? Hiyo hapo kadi yako ya utambulisho. Sio kusema, “Ngoja kidogo, ninaamini nina kadi yangu ya ushirika.” La. Sina yoyote. Yangu iko Huko juu. Huenda nikapoteza hii hapa chini. Bali Yeye aliniambia, “Kabla ulimwengu haujaanza,” Yeye alinipa kadi ya utambulisho wangu, kwa kila mtu aliyeingia katika Ufalme huo. Imewekwa Mbinguni, kwa hiyo taarifa ziko sahihi. Nina furaha. Mimi...

¹⁸³ Mtu fulani alisema, “Nilimtafuta Mungu. Nilimtafuta Mungu.” Hicho ni kinyume na Biblia. Ni Mungu anayekutafuta, si wewe unayemtafuta Mungu. Mungu alienda huku na huko katika bustani ya Edeni, akiita kwa sauti kuu, “Adamu, uko wapi?” Si Adamu akiita kwa sauti kuu, “Mungu, uko wapi?” Ilikuwa ni Mungu akiita, “Adamu, uko wapi?”

184 Loo, nina furaha sana mimi ni mshiriki Wake. Nanyi je? [Kusanyiko linasema, “Amina.”—Mh.] Nina furaha sana kwa ajili ya Kanisa hili kuu. Ninasikitika kwa kuwachelewesha sana. Lakini je! mnaliamini Kanisa hili kuu? [“Amina.”] Mnaliamini? [“Amina.”] Je! mnaamini kwamba ni Mwili wa kisiri? [“Amina.”]

185 Sasa, ninyi Wakatoliki, jambo pekee linalowapasa kufanya mpate kuwa mshiriki Wake ni kumkubali Yesu Kristo na kuzaliwa kwa Roho. Ninyi Wabaptisti, ninyi Methodisti, Presbiteri, Lutheri, chochote mlichu, sikilizeni hapa. Msifikiri ya kwamba ninawatetea Wapentekoste. Kuna walaghai wengi wa Kipentekoste kadiri kulivyo nao katika kanisa lingine lolote. Hiyo ni kweli kabisa. Waliingia tu kwa jina na ungamo. Hivyo tu. Lakini, umilikaji, hawana. Hiyo ni kweli. Kwa sababu, unapozaliwa kwa Roho, unakuwa kiumbe kipya, ndipo Mungu anaanza kuwashughulikia basi kama wana, nanyi mnaongozwa na Roho wa Mungu. Haidhuru wewe ni wa dhehebu gani, hilo halina... Huo ni maskini utaratibu mdogo tu wa kilimwengu, utapita. Lakini je! wewe ni mshiriki wa Mwili huu mkuu wa kisiri wa Kristo? [Kusanyiko linasema, “Amina.”—Mh.] Kama siyo, naomba umpokee, usiku wa leo, tunapoviinamisha vichwa vyetu kwa muda kidogo tu kwa maombi.

186 Tunapowazia sasa, kuna wengine hapa mngeinua mkono wenu? Na kusema: “Mungu, ninakuinulia mkono wangu, nifanye mshiriki wa Kanisa hilo usiku wa leo. Nipe kuzaliwa, kwamba ni mali yangu. Je! Wewe umeniita, Bwana? Basi nataka kuwa mshiriki wa Kanisa hilo. Mimi ni mfuasi wa moja ya haya madhehebu ya ulimwenguni, bali sina lile tukio. Sina nguvu za kuwatoa pepo na kufanya mambo haya ulivyosema yangefuatana na mwaminio. Sijapokea hizo bado, Bwana. Nawe ulisema ya kwamba ishara zitafuatana... (Zitafuata inamaanisha, ‘Utanipa.’) Nipe nguvu, Bwana.”

187 Mungu akubariki. Mungu akubariki, na wewe, na wewe. Ninyi nyote mlio inua mikono yenu juu, Mungu awabariki na kuwapa nguvu mpate kuwa washiriki wa Kanisa hili kuu, Kanisa la Yesu Kristo. Mtu mwingine, kabla hatujaomba? Mungu akubariki, ewe msichana. Mungu akubariki, dada. Mungu akubariki. Naam, ninaiona mikono yenu huko nyuma kabisa. Mungu akubariki, wewe hapa; ninauona mkono wako, mwanangu. Ninaiona mikono yenu hapa, ndugu. Naam. Mungu akubariki; na wewe, kijana mdogo pale, msichana mdogo. Mungu akubariki. Mtu mwingine, inua tu mkono wako. Mungu ambariki dada huyu, anayeketi hapa. “Ninataka kuwa mshiriki. Ninataka kuwa na Damu Yake juu yangu ninapotoka kwenye jengo hili usiku wa leo, nipate kutoka na maisha yangu yapaze sauti, ‘Mtakatifu, kwa Bwana.’” Mungu akubariki huko nyuma, mwanangu. Mungu na akupe baraka hizi. Mtu mwingine sasa? Inua mkono wako. Mtu mwingine aseme, “Mungu, nirehemu”?

188 Kama ukitaka kutembea kuja madhabahuni kwa ajili ya maombi, tunapouimba wimbo huu:

Njoni nyumbani, njoni nyumbani,
Enyi mliochoka, njoni nyumbani;

189 Kama huna hakika kuhusu hali zako, ninakualika uje, tuombe.

Tunapoomba:

Kwa utamu na upole Yesu anaita,
Ananiita mimi na wewe,
Angalia Yeye anangoja na kuangalia kwenye
malango,
Ananiangalia mimi na wewe.

Njoo... njoni nyumbani,
Enyi mliochoka, njoni nyumbani;
Kwa bidii, kwa upole, Yesu anaita,
Anakuita, ee mwenye dhambi, njoo nyumbani!

Na tuuvumishe sasa.

Kwa nini tungojee...

[Ndugu Branham anauvumisha—Mh.]

190 Mama bikizee mmoja amejitokeza aombewe. Kuna mtu mwingine angetaka kuja huku na kuomba kidogo usiku wa leo?

Ingawa tumetenda dhambi, Yeye ana rehema
na msamaha,
Msamaha kwa ajili yako na kwa ajili yangu.
Njoo... njoo nyumbani, njoo...

191 Je! ninyi jamaa wadogo mwaweza kushuka kwenda upande huo kidogo? Wasichana wadogo, njoni mwingie moja kwa moja. Shuka uende kule kidogo, mwanangu.

... mliochoka, njoni nyumbani;
Kwa bidii, kwa upole, Yesu anaita,
Anaita, Ee mwenye dhambi, njoo nyumbani!

Njoni nyumbani, njoni nyumbani,
Ninyi mliochoka, njoni nyumbani;
Kwa bidii, upole, Yesu anaita,
Anaita, Ee mwenye dhambi, njoo...

192 Vipi kama ulijua, kesho kwenye wakati kama huu, ya kwamba taifa hili lingelipuliwa? Tunaishi katika wakati wa kuogofya sana. Huwezi kuweka matumaini katika kitu chochote leo, nje ya Kristo. Na ni kwa nini uhatarishe, kwa nini uhatarishe nafsi hiyo ambayo Mungu aliinunua kwa Damu ya Mwanawe? Mbona usiyatoe maisha yako Kwake? Ungepoteza kitu gani? Kila kitu ni faida.

193 Unasema, “Vema, siamini jambo hilo.”

Vema, Biblia ilisema wewe ni mpumbavu. Kwa nini ungeninii...? Yule tajiri hakuamini jambo hilo, katika Biblia. Wakati jua lilipokuwa likishuka, alikuwa akicheka na ni mchangamfu; wakati jua lilipochozo, alikuwa katika kuzimu. Kwa nini ubahatishe kama jamaa huyo? Mbona usije, ukayatoe maisha yako kwa Kristo? Hebu...Siwaonyi. Siwatishi. Ninakuelezea tu ukweli wa mambo. Usipozaliwa mara ya pili, utalikosa. Maisha yamekufaa nini? Ni kama tu yote ni lundo la masikitiko. Kwa nini usije ukapate kitu Fulani ambacho ni cha Milele? Ushikilie kitu Fulani ambacho ni halisi.

¹⁹⁴ Tunapoimba tena, wapo watatu ama wanne hapa. Mbona msije, pia, mara nyingine tena?

Kwa bidii, kwa upole, Yesu anaita,
Anaita, Ee mwenye dhambi, njoo nyumbani!

Njoo...njoo...(Ni nafsi yako. Huenda usijisikie jinsi hiyo kulihusu tena.)

Ninyi mlio...choka, njoni nyumbani; (Enyi, wavulana wadogo, nyote mwaweza kuja hapa, kuja hapa? A-ha.)

Kwa bidii, upo-...(Njoo hapa, mwanangu...?...)...-esu anaita, Ee mwenye dhambi, (Njoo papa hapa, mwanangu.) njoni nyumbani!

Njoni nyumbani...(Hivi hamwezi kuja huku?)...nyumbani,

Ninyi mliochoka, njoni nyumbani (Njoo papa hapa, mwanangu. Njoo hapa, chukua kiti changu...?...)Keti kwenye kiti changu...?...))

...-pole, Yesu anaita,

Anakuita, Ewe mwenye dhambi, njoo...

¹⁹⁵ Ninataka kuwaulizeni swali: Je! umemalizana na Yeye? Utamkataa? Utasema, kama Pilato, "Nileteeni maji, nitanawa mikonono yangu niuache mkutano huu"? Huwezi kufanya jambo hilo. Liko mikononi mwako. Si kwamba liko mikononi mwako tu, bali moyoni mwako. Limo kwenye dhamira yako. Itakubidi kuishi nalo maishani mwako mwote. Usijaribu kuliosha uliondoe. Utafanya kama Pilato alivyofanya: kujinyonga siku moja, ukijaribu kulitoa mikononi mwako. Usifanye hivyo. Njoo, sasa.

¹⁹⁶ Mara moja zaidi. Na wakati tukiita, hebu watu wengine waje, ndugu wazuri Wakristo, baadhi yenu wahudumu pamoja na watu hawa. Baadhi yenu akina dada mnaojua jinsi ya kuzungumza na watu, njoni mpige magoti. Ombeni tu pamoja nao, waonyesheni mnawajali, tunapokuja sasa.

Njoni nyumbani...nyumbani,

(Ndugu Neville, naomba, uchukue ibada.)

...mliochoka, njoni nyumbani;
 Kwa bidii, kwa upole, Yesu...
 Anaita, Ee mwenye dhambi, njoo nyumbani!

¹⁹⁷ Hebu na tuinamishe vichwa vyetu sote sasa kwa maombi...?...Hebu na tuinamishe vichwa vyetu sasa, na tuombe.

Bwana, tunakuletea hawa waliotubu. Jalia Roho Wako, Bwana, ashike moto mioyoni mwao, ukiwapa ile shauku kubwa, na zaidi, ya kwamba wapate kumwona Yesu Kristo, Mwokozi wao, Ambaye ametokwa na Damu na kuwafia, kuwafanya viumbe vipya. Tujalie, Bwana.

¹⁹⁸ Tunajua Maandiko yametupa fursa ya kukuamini Wewe. Tukijua ya kwamba hawa ambao wanakuja, Wewe hutawatupa nje kamwe. Umeahidi. Ahadi Zako ni kweli: “Yeye alisikiaye Neno Langu, na kumwamini Yeye aliyenipeleka, yuna Uzima wa Milele, wala hataingia hukumuni; bali amepita toka mautini kuingia uzimani.”

¹⁹⁹ Vijana kwa wazee, wape sawa, Bwana, Roho Wako Mtakatifu. Tujalie, Bwana. Tunaomba hilo, katika Jina la Yesu, na kwa ajili Yake.

...nyumbani, njoni nyumbani,
 Ninyi mliochoka, ...nyumbani;
 ...-dii, kwa upole, Yesu anai-...
 Anaita, Ee mwenye dhambi, njoo nyumbani!

Kila mmoja katika maombi sasa, kwa muda kidogo tu.

[Ndugu Branham anavumisha—Mh.]

Hebu na watubu dhambi yao...



VITAMBULISHO VITANO DHAHIRI VYA
KANISA LA KWELI LA MUNGU ALIYE HAI SWA60-0911E
(Five Definite Identifications Of The True Church Of The Living God)

Ujumbe huu uliohubiriwa na Ndugu William Marrion Branham, ulitolewa hapo awali katika Kiingereza mnamo Jumapili jioni, tarehe 11 Septemba, 1960, katika Maskani ya Branham huko Jeffersonville, Indiana, Marekani, umetolewa kwenye kanda ya sumaku iliyorekodiwa na kuchapishwa bila kufupishwa katika Kiingereza. Tafsiri hii ya Kiswahili ilichapishwa na kusambazwa na Voice Of God Recordings.

SWAHILI

©2015 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ilani ya haki ya kunakili

Haki zote zimehifadhiwa. Kitabu hiki kinaweza kuchapishwa kwa matbaa ya nyumbani kwa matumizi ya kibinafsi ama kusambaza, bila malipo, kama chombo cha kuitangazia Injili ya Yesu Kristo. Kitabu hiki hakiwezi kikauzwa, kunakiliwa kwa wingi, kuwekwa kwenye mtandao, kuhifadhiwa kikatolewe tena, kufasiriwa katika lugha zingine ama kutumiwa kuomba fedha bila idhini halisi iliyoandikwa moja kwa moja kutoka Voice Of God Recordings®.

Kwa habari zaidi ama kwa vifaa zaidi, tafadhali wasiliana na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org